

DISCOVRS
De la
PHLEBOTOMIE
ou est montré en bref
les deux temps dicelle


PLVS
VN TRACTÉ
des crises
PAR
Dauid de planis compi
chirurgien.

DEDIE
A la Rome mere du
Roy

A PARIS

Chez
Jeremie Perier
et Abulias Buisson
au Palais.
1621.





DISCOVERS

DE LA PHLEBOTOMIE
OV EST MONSTRÉ EN BREF,
les deux temps d'icelle, à sçauoir le
temps d'eslection:& le temps de
necessité, fort vtile & necessaire aux
Chirurgiens qui veulent bien profi-
ter en ceste operation Chirurgicale.

*Plus vn traitté des Crises, où il est monstré comme
l'on s'abuze au iugement d'icelles, ne co-
gnoissant le mouuement des Astres,*

Lecteur par DAVID DE PLANIS CAMPI
Chirurgien.



Royne mere du Roy.



A P A R I S,
Chez JEREMIE PERIER & ABDIAS BUISARD,
en leur boutique à la Cour du Palais,
vers les Horlogers.

M. DC. XXI. 32,442

Avec Privilège du Roy.

DISCOURS

DE LA THEOLOGIE

OU DE LA MONSTRATION

DE LA VERTU DE LA

SCIENCE DE LA

SCIENCE DE LA

SCIENCE DE LA

SCIENCE DE LA

SCIENCE DE LA

SCIENCE DE LA

SCIENCE DE LA

SCIENCE DE LA

SCIENCE DE LA

SCIENCE DE LA

SCIENCE DE LA

SCIENCE DE LA

SCIENCE DE LA

SCIENCE DE LA

SCIENCE DE LA

SCIENCE DE LA

SCIENCE DE LA

SCIENCE DE LA

SCIENCE DE LA

SCIENCE DE LA

LECTURE DE LA THEOLOGIE
CHIRURGIE



A PARIS

chez la Citoyenne Lesclapart & Andre
chez le Citoyen Lesclapart & Andre
chez le Citoyen Lesclapart & Andre

32.442

M. D. C. X. X.

Paris, le 10 Mars 1793



8
TRESHAUTE
ET TRESPVISSANTE
PRINCESSE
MARTE DE MEDICIS
ROYNE MERE DV ROY.



ADAME,

La cause qui m'a
induit à consacrer
sur l'autel de vos
rares merites, ceste
petite offrande dres-
see à la ruine de plu-

sieurs Phlebotomistes de nostre temps,
lesquels le plus souuent sont cause de la
perte de tant de personnes de tous aages,
qualitez & sexes, par l'indue admini-
stration de ceste operation chirurgicale, la

Phlebotomie : c'est que voyant luire & briller en vous tant d'excellentes & vraiment Royales vertus plus admirées que recognuës, plus recognuës qu'imitées, & plus imitées qu'egalees; lesquelles ont prins estre & naissance des rares perfections de vostre diuin esprit, duquel la renommée sert de subiect & matiere de biẽ dire aux plus beaux & delicats esprits, & d'exemple à biẽ faire aux plus courageuses ames; vos belles actions sont autant d'Astres brillans, qui embellissent & illustrent le Ciel de nostre France: France qui se peut vanter doref-nauant d'auoir esté deliurée de la gueule beante d'une orque de miseres, par la sage, prouidẽce d'une Royne la plus grande des Roynes qui l'ayent iamais regie, Royne de quels honneurs comblee, de quels respects honoree, de quels triumphes reuestue, de quels lauriers signalée; autant de bouches humaines sont autant de trophées à vostre gran-

leur, autant de cœurs sont autant de temples à vostre vertu, autant d'ames sont autant de vœux & de sacrifices pour immoler sur vos autels: bref vos vertus sont telles, que ie ne me hasarderay pas d'en toucher temerairement les louanges, parce que ie ny puis atteindre que du penser, ny les raconter dignement que par mon filëce. C'est air est trop haut pour le vol de ma frelle plume, c'est pourquoy à l'exemple des Arondelles qui presagent la pluye, je me contenteray de razer simplement à fleur de terre, pour vous supplier (Madame) au nom de nostre chirurgie qu'il vous plaise ietter les rayons de vostre douce faueur sur ce petit échantillon de ses operations. Car quelque apprehension qui m'ait sçeu arriuer de la grandeur de vos merites, & de l'indiscretion de mon iugemēt, ne m'a peu retenir que ie ne vous l'aye offert pour tesmoignage plustost de bonne volonté, enuers le public, que pour

8 EPISTRE A LA ROYNE

chose qui soit digne de voir le iour sous
vostre royalle authorité & diuine gran-
deur, s'il à ceste faueur d'estre le bien re-
çeu, ie ne doute point que couuert du
bouclier de vostre Minerve, il n'esquie
aisément toutes les pointes de l'enuie, &
ne soit veu fauorablement de tous, de ma
part i'en auray tel contentement que mes
desirs redoubleront de plus fort, pour
estre veu & recogneu, tout le reste de ma
vie.

MADAME,

De vostre Majesté,

Le tres-humble tres-obeissant &
affectionné subiect & seruitour,
CAMPI Chirurgien.



AV LECTEUR

BENEVOLE.



Es mauuais Maistres font perdre credit aux bons mestiers, & les abus aux bōs maistres. L'estime ou le mespris des arts & sciēces depēd de l'habilité ou insuffisance de ceux qui les maniēt, & selō qu'elles sont biē ou mal exercées, le vulgaire sans entrer plus auant en cognoissance de cause (aussi plusieurs ne veulent permettre d'estre repris encor qu'ils fassent grandement en l'art dont ils se messent le plus souuent avec beaucoup plus de presumption & d'effronterie que de science) leur adiuge sur les premiers actes bonne ou mauuaise reputation, tellement que les actions louables & vituperables sont mesurees par l'ignorāt populaire à mesme aulne, & pesées en mesme balance sans aucune distinction, de sorte que la vertu cede le plus souuēt au vice, la doctrine à l'ignorāce, l'experience à l'incapacité.

Si bien que par caprice

On louange le vice

Plustost que la vertu

L'ignorant, le merite

A tout hazard debite

Au facquin reuestu.

Qu'on prenne ce nom de philosophe, iadis si venerable & si respecté entre les Grecs dont du

temps de Pithagoras se faisoient appeller Sophir, c'est à dire sages tout outre: toutesfois il est certain que ce mot ne signifie rien plus ny moins qu'amateur de sapience, & qu'il n'y a homme encor auioird'huy si foible de ceruelle, si petit compagnon, ny si grand seigneur qui ne fust bié marry, voire qui ne se picquast & offensaist à bô escient, qu'on le print pour autre que pour desirieux de sçauoir: qui est vn mot philosophe, tiltre dont l'Empereur Antonin mesme agreea d'estre honoré. Cependant qu'on considere quel cours on luy a donné depuis quelques annees, commét on le préd, & de qu'elle façon on s'en sert maintenant? c'est le commun soubriquet & petit epithete galland qu'on dône de premier abord sans recognoistre, à ceux qui portent la mine d'auoir plus dormy que veillé sur les liures, Quelqu'vn se presente qui ne sçache pas bien encor le passe-pied de la cour, qui ne sçache promptement repartir en caiollois à la moderne, qui discoure par *ergo*, formez à tout propos sur des pieds de mouche, se monstrent aussi mal aduenant aux familiers entretiens, qu'inepte aux ciuilles actions, incontinant on luy baille du Philosophe par la teste, & toutesfois la vraye Philosophie, s'il en faut croire au Iuriconsulte Vlpian, consiste tout au maniement des affaires, en la conseruation & conuersation de l'humaine société, toute en cour, toute au palais, toute en la place, & toute en toutes les parties de l'estat: si que philosophe & homme d'estat (a proprement parler avec Vlpian qui l'estoit) c'est tout vn, qui doncques

la rauallée & demise d'un si haut degré, qu'il a despoillée de ses premiers honneurs & prerogatives, pour la faire servir ainsi d'un traict de mocquerie, sinon que l'effrontee ignorance d'un tas de maudolets pedans dont l'entregent & le discours sent à plain nés le remugle de l'escolle, qui pour auoir passé par dessus le pont aux asnes sans y laisser le bast: s'imaginēt pouuoir de plain faut tenir rang entre les grands cheuaux: autant, ou pis (à mon grand regret) en est il du nom de medecin, car ie vous prie ou est maintenant l'ancienne splendeur de la medecine, qu'est deuenue sa gloire & son ornement, & ou est le desir & la bienueillance des anciens Roys, Princes, & Potentats enuers icelle, lesquels n'auoiēt à mespris d'apprendre & excercer ceste diuine science, & à bon droit appelée diuine, puisque mesme elle reçoit cet eloge de la bouche de Dieu, mais vsèrent d'une grande liberalité pour confirmer sa dignité, & entretenir son autorité? La medecine, dis-ie que les anciens hebreux ont honoree comme venue du ciel, pour la conseruation de la santé, & prolongement de la vie, que les Medecins Chirurgiens soient créez, instituez, & recommandez de Dieu, les sacrez cayers le tesmoignent en l'Ecclesiastique chap. 38. honore le Medecin de l'honneur qui luy appartient, & ne luy retiens point ses peines loyers & vacations, afin qu'il te secoure & t'assiste en ta necessité, il recevra gaiges du Roy, & la science du Medecin Chirurgien luy fait leuer la teste, & le rend admirable entre les Princes, Exemples, tou-

chant les gages, liberalitez, & presens dont les anciens Roys, Princes, & Empereurs, ont voulu honorer les Medecins : Plin rapporte que les Cefars donnoient par chacun an aux plus celebres Medecins Chirurgiens qui faisoient la medecine pour lors à Rome deux cens cinquante Sesterces, qui selon le calcul ordinaire pouuoient valoir six mil deux cens cinquante escus, bié que les autres professeurs n'en eussent que cét: Thadée florentin receuoit de chacun qu'il traitoit cinquante escus par iour, & ayant guery le Pape Honorius d'une estrange maladie, il eut par iour cent escus, & de recompence mille escus au rapport de Volateran. L'empereur Auguste donna à Anthoine Musa, qui l'auoit assisté en vne grande maladie, vne bague d'or enrichie d'une pierre de grand prix, & non content, il voulut encore l'honorer de la dignité de chevalier de son ordre, non seulement luy, ains aussi tous ceux qui exercoient la mesme profession furent honorez de mesme tiltre pour son respect. Le monarque des Perse Darius auoit en telle estime le medecin Demadés, par l'assistance duquel il auoit esté deliuré d'une faucheuse maladie, qu'il luy donna ainsi que recite Herodote deux grosses chaines dor de grande valeur, & la Royné sa femme luy fist present de deux bouteilles ou burettes d'or massif: Laissons là les anciens & leurs antiquitez, pour dire que Jacques Cantier tres-docte & excellent Medecin François, auoit tous les mois dix mil escus de gage du Roy Louys vnziésme. De là on peut colliger en quelle recomman-

dition les Medecins Chirurgiens ont esté de tout temps maintenus en toute liberté de franchise, exempts de toutes charges, subfides, tributs, tailles & impôts. Voila en quelle dignité estoit iadis le Medecin & la Medecine, & neantmoins nous la voyons en ce malheureux & déplorable siecle, ou le vice marche à l'esgal de la vertu, tellement changée, corrompue, & altérée, qu'elle n'est plus maintenant qu'une idolle, & un fantôme, sa face auallee, son credit ruiné, son honneur dégradé, sa force abbatue, sa reputation flestrie: bref elle est tombée du plus haut eschelon de la gloire, ou nos predecesseurs l'auoient montée & esleuee, elle est, dis-je, tellement profanée & foulée aux pieds par un ras d'ignorans, empoisonneurs, imposteurs, charlatans, gens de mauuaise vie & de conscience cauterisée, qui comme nouveaux Esculapès descendus du ciel se vantent impudemment, & promettent effrontement la guerison de toutes maladies, desquels le populaire ignorant fait ordinairement plus d'estime & donne plus de creance à l'apparence extérieure d'une façon gallante, & d'un maintien brauache accompagné d'une vaine pompe d'habits somptueux, qu'à la doctrine & à l'expérience (ouy véritablement) car s'il y a quelque charlatā, quelque cerueau percé à iour, quelque esprit extravagant, qui donnant carrière à ses fantaisies voltigera sus un theatre, faire du pantalon ou du harlequin, ou bien portant l'anneau d'or au doigt, les moustaches bien releuées, bonne morgue, ayant bien souuēt ces mots en bouche, sang, hu-

meurs, esprits, thumeurs, playes, vlcères, fractures, dislocations, Hippoc. Gal. mettre vn pied sur l'entendez vous bien en camelote, le voyla reputé d'vn chacun le plus braue Medecin Chirurgien de toute la terre : tout beau, tout beau, ne vous hastez pas tant messieurs, car vous pourriez bien vous tromper d'autant que l'habit ne faict pas le moyne, les discours sont le plus souuent bré esloignez de l'effect, demandez leur premiere-ment s'ils ont la cognoissance de la geographie, de la mathematique & astrologie, de la musique, de la geometrie, de la dialectique, de l'arithmetique, de la rethorique, de l'histoire, de la poésie, & philosophie : bref en vn mot de l'enciclopedia, car qui dit la medecine parfaite, dit en vn mot, l'enciclopedia, car autrement seroit s'imaginer vne medecine muette, morte, & ignorante, que de la priuer de ses compagnons susdits: bref demandez leur encore, s'ils ont la cognoissance de tout ce qui vole par les airs, de tout ce qui nage dans les eaux, de tout ce qui vegete, de tout ce qui sent ou vit sur la terre, finalement tout ce que les entrailles de la mere vniuerselle renferme d'eau, de metaux, de mineraux, de sels, de suc, de sulphres: d'auantage s'il est entré dans soy mesme pour y remarquer la structure, fouiller dans ses os, conter ses muscles, suiure ses veines, particulariser ses arteres, rechercher ses cartillages, admirer ses nerfs, tendons, ligaments, fibres, &c. s'ils ont tout cela; & qu'vn iugement solide soit l'ame de leurs experiences; à la verité pour lors caressez les d'immunitez, reconnoissez les

avec applaudissement, autrement vous vous trompez, quelque hippochondriaque repartira, peut estre, que ce n'est à vn Chirurgien de prescrire des reigles aux Medecins (à la bonne heure) aussi ne parlons nous des doctes Medecins Chirurgiens, ceux-là nous les honorons & respectons comme nos maistres: Mais d'un tas de ie ne sçay quelle carauane de medicastres sans frôt, hé qu'il y en à; & qu'on en voit, & qu'on en fait, belle sentence d'un ancien, que l'ignorance des vns, & des autres l'incredulité, sont causes que plusieurs Medecins Chirurgiens ne cognoissent rié aux maladies qu'ils tiennent incurrables, qui neantmoins sont curables, comme ladrerie, hydropisie, appoplexie, paralisie, contraction de membres, mal caduc, fièvre quarte, hectique, podagre, gonagre; chiragre, sciatique & telles autres maladies de difficile digestion pour eux. Or quelques vns qui peut estre ne me penetreront pas seront esbahis d'entendre que ie mets le Chirurgien au rang du Medecin, neantmoins à bon droit, car ie ne fais pas estat d'un homme qui gazouille seulement mais de celuy qui dit & qui fait; miserable siecle où l'on croit qu'un Chirurgien ne sçait qu'appliquer des ventouses, faire vne saignée, & couvrir vne emplastre, & peut estre est-il vray; hélas que trop vray, à mon grand regret, ce n'est de ceux là que j'entends, car l'art de Medecine & Chirurgie ne s'acquierent par argent, ainsi que quelques vns sans front par ce moyen, se font appeller maistres Chirurgiens. (ô temps, ô meurs, ô siecles,) A ces propos a tref-

bien rencontré quelqu'un disant.

L'or à l'inquant met la marmotte,

Il fait que la gent fode & sotte

Est sans merite reueré :

Tout est peruersty; & les hommes

N'ont horreur d'auoir tant duré :

Au siecle maudit oï nous sommes.

Cent ou deux cens escus pour vne fois, cote de taffetas, lié de broderie, festins, banquets, parens, amys, considerations, ie m'en rapporte, & pour pallier l'affaire, la memoire par escript: ainsi que le susdit continuant à tres bien dit.

J'ay ven de mes yeux, ie vous iure,

Car ie ne fus iamais parure,

J'ay (dis-se) ven ô creue-cœur

Pour interroger vne beste

Luy escrire ce que par cœur

Il deuoit dire de sa teste.

C'est pourquoy ie ne scay ou tendre

L'un à l'argent se laisse prendre

L'autre aux amis, l'autre aux parents:

Et ie croy que pour cet usage

On est le couteau Jean Galien

S'entant le pot du badinage.

He? bon Dieu quelle est ceste methode, faire si bon marché de la vie des hommes, il vaudroit plus consultant avec les successeurs de Cain nous admettre vne peste: Car quelque Hypoc. où bien quelque Paracelse se treueroit pour y resister; mais en cette façon la pierre en est ietee, ceux qui supportent & introduisent les abus, n'ont

n'ont garde de leur faire la guerre, & Dieu ſçait que de miracles; à iuſte occaſion diſ-ie dōc que la Chirurgie ne ſ'acquiert par argēt, encore moins par ſucceſſion ny par la ſeule lecture, ains par vne recherche penible, longue & laborieuſe; c'eſt pourquoy ie m'eſtonne qu'il y aye ſi grāde quantité de Chirurgiens qui croyent que ce que Thibaut, & Ancelin ont determinē ſois vne loy indiſſoluble, alleguant qu'un tel auteur a fait de meſme, & puis que c'eſt là la couſtume ils peuuent faire le ſemblable, Apprenſicy mon amy, que la couſtume ne ſert pour la confirmation de l'art, ny l'on ne le peut nommer art, ains celuy qui (veritablement) ſe demonſtre par œuvre : Mais on n'en veut rien croire, encore moins prendre la peine de reilluſtrer ceſte ſacree Chirurgie, laquelle a eſté iadis en tel hōneur qu'elle eſt maintenant à meſpris ; vrayement on ſe doit bien eſtonner qu'une ſi noble ſcience ſoit tellement deſcheue de ſon originaire reputation, qu'ayant anciennement eſté la fauorite des Roys, l'entretien & occupation des grands; elle ſe trouue au iourd'huy comme prostituée à la deriſion des plus abiects des champs & de la ville. Qu'y a il ie vous prie, de plus releué, de plus admirable & diuin que ceſte ſacree profeſſion: & ce pendant on voit comme elle eſt meſpriſee d'un chacun : Et qui eſt choſe deteſtable; par ceux là meſme qui ſe ſont engraiſſez par ſon moyen; car ſi on leur propoſe quelque regle qui leur ſoit tres neceſſaire, les voyla toute à l'heure à bailler de l'empirique par la teſte, de ceux qui amis de la Nature les

voudront pieusement releuer de leur cheute: Car veritablement il n'y a profession où il faille estre plustost en doute de manquer qu'en nostre Chirurgie, eu esgard à son subiet, qui est le corps humain, ray on de la diuinité. Et pas moins nous n'en tenons conte, au contraire nous blasmons les bons desseins d'autrui, & vrais coqs Esopiens quittons la pierre precieuse pour gratter le fumier, n'est ce pas vne honte de mespriser les choses bonnes & necessaires pour courir à ie ne sçay quelle routine mal fondee & plustost empirique que rationnelle? n'en lairay le iugement à ceux qui despouillez de toutes passios sçauent les erreurs qui s'y commettent, notamment ceux qui exercent la Chirurgie, car s'ils manquent en la moindre operation d'icelle, à plus forte raison aux grandes & difficiles, si, dis ie, à tout propos ils donnent du nez en terre pour l'obseruatió qu'il faut faire en la Phlebotomie, à plus forte raison aux operations qui sont de plus grande speculation. Mais dira quelqu'un, trouuez vous aysee la science de tout le cours des astres, mesurer les nombreux mouuements des lambris estoillez, comprendre les tours, destours & retours des planetes pour vne si petite operation que la Phlebotomie? ioinct, disent ils, que les obseruations chimeriques sont tellement inutiles que le plus souuent elles payent les scrutateurs d'icelles des eueneemens non moins esloignez de leurs pretensions, que le subiect de leur science est esloigné de la terre. A quoy ie respons, que veritablement ie la treuve tres-aisée, veu que mon art m'y obli-

ge, & la raison m'y contrainct, mais comme les sciences semblent estre plus difficiles & espineuse, elles sont plus suiettes aux calomnies & censures, d'autant que les ignorans & aueugles de leurs esprits ne voyans plus loing que le bout du nez de leur asnerie, mesprisent les choses difficiles à leur entendement, pour ce qui concerne le peu d'utilité de ceste science, ainsi que vous dites: Arrestez vous icy esprits fanatiques, ennemis des Muses, fayneans insensibles, pipeurs à gaiges, desillez les yeux de vostre entendement, ne soyez pas cōme le Lyon de Nemee tué par Hercule qui se paissoit en la forest d'ignorance, faisant degast general de ce qui estoit bon, & conseruant ce qui estoit mauuais. Cōfessez ingenuement l'excellence & dignité de ceste science qui descouuë les effects admirables du cours ordinaire des corps celestes: car puisque ceux qui coupent le bois & fouissent la terre, considerāt premierement la position du Ciel, n'ignorant pas que plusieurs vices en despendēt, comme la verroulure & autres, à plus forte raison faut il obseruer les Astres pour vn si noble suiet que le corps humain. Ce qu'ont senti de bien pres ceux qui ont deffendu de prouoquer les menstruës aux femmes & filles, en tous quadrats de la Lune: parce qu'ils n'ignoroient pas le pouuoir que les Astres ont sur nos corps. Je vous prie qu'on demande aux Astrologues Genethliaques si lors que Saturne & Mars entrent en conionction, s'ils ne causent pas la peste, alleguant pour raison que celsdites planettes taschent par tous moyens à

destruire l'homme duquel l'humeur radical ne consiste qu'en chaleur & humidité, & leur nature & faculté ne despend que de la siccité & frigidité. Mais pendant que ie m'escarte en ce discours, il me semble que i'entés vn bruit ou bourdonnement de certains frelons qui n'ayment rié que les lieux sales & infects; i'entens leur propre volôté, qui conduits par leur ignorâce, tournoient tousiours à l'entour du pot (comme l'on dit) de leur vieille doctrine, ie les entés, dis- ie, se gaber de ma plume, veu que ie traite d'une operation laquelle a esté si doctement deduite paravant nous par des plus sublimes personnages que l'antiquité aye produit; A cela ie respons, que bien qu'il semble ne pouuoir rien plus dire sur ce subiect y ayant plusieurs volumes, que neantmoins ce n'est avec vne telle methode que ie traite de la Phlebotomie en ce lieu: non pas suivant les vieilles opinions, d'autât que ce ne seroit que chanter vne mesme chanson; ainçois descourant les fautes que iournellement on commet en ceste si importante operation, ie donne vn moyen pour s'en releuer en telle façon que peu souuent on retombera en ces fautes irreuerables. Enquoy ie m'assure, Amy Lecteur, que si despouillant toutes passions tu viens à regarder d'un œil fauorable ces lignes, lesquelles sorties d'un hōeste loisir, vont courir le hazard de la censure, tu confesseras, que ce n'est pas sans grande consideration, que i'ay mis la main à la plume pour traiter de ceste matiere, non que i'aye esté stimulé par aucune vaine gloire, ains


poussé d'un bon desir d'ayder au public, & vrayement ie croirois manquer à mon deuoir, si ayant reçu de la main liberale du Tout-puissant quelque chose del particulier, ie ne les distribuois aux amateurs d'une vraye doctrine, afin que toutes leurs œuvres & les miennes soient à l'honneur & gloire de Dieu, à l'edification & santé de nostre prochain, & au salut de nostre ame, auquel, Dieu, Pere & Fils & sainct Esprit, soit rendu honneur & gloire aux siècles des siècles, Amen.

B iiij





TABLE DES CHAPITRES.

 *V'est-ce que Phlebotomie, sa propriété, & ce qu'il faut observer particulieremēt pour la biē faire, Chap. 1.*

Comme le Chirurgien ne doit ignorer l'Astrologie, & le profit qui en reuiet, tant pour la Phlebotomie, que pour toutes les maladies qui suruiennent au corps humain, la sympathie des Astres avec iceluy, & autres enseignements tres-vtils au Chirurgien. Chap. 2.

De l'heure de necessité en laquelle sont monstrees les maladies ou eschet necessairemēt Phlebotomie. Chap. 3.

De l'heure d'election pour la racine basse, & de la racine superieure qui s'estend à la cognoissance des Astres, tant en la concurrence qu'ils ont aux parties de nostre corps, que sur les humeurs, & maladies qui arriuent en iceluy

Chap. 4.

Qu'il est necessaire que le Chirurgien aye la figure astronomique en son cabinet, ou bien en sa boutique, & du profit qu'il en reuiet tant pour les malades, que pour ceux qui les traitēt:

Ce qui est prouué par vne histoire & autres exemples; ensemble qu'il est meilleur de conseruer & mondifier le sang que de l'esuacuer; avec la description de deux admirables remedes pour cet effect. Chap. 5.

Des veines saignables pour plusieurs infirmittez qui suruiennēt au corps humain, ensemble de l'usage & vtilité des ventouses avec & sans scarifications, ce qu'il faut obseruer pour cet effect, & finalement des sang-suës. Chap. 6.

Brief traicté ou discours des Crises, où il est monstré comme l'on s'abuse au iugement d'icelles ne cognoissant le mouuement des Astres.

FIN.

B iij





QV'EST-CE QVE PHLE-
botomie, sa propriété, & ce qu'il faut
observer particulièrement pour
la bien faire.

CHAPITRE I.

PLusieurs philosophes Grecs,
Latins & Barbares, apres auoir
diligemment contemplé tou-
tes sortes d'animaux, & curieusement
recherché leur maniere de viure, &
conferé leur cõdition & naturel, avec
le nostre, se sont escliez qu'entre tous
ceux qui respirent & se trainent sur la
terre, n'y en a aucun plus miserable
que l'homme, à cause de son desir in-
satiable & appetit desreglé, car conti-
nuellémēt il ne fait que chercher nou-
uelles viandes, & en ayant trouué à son
goust, il en prend de telle façon, que je
suis grandement esmerueillé comme

L'hõme
plus mi-
serable
que tous
les ani-
maux, &
pour-
quoy.

le ventre de plusieurs n'est desia pour-
ry & corrompu pour tant d'excès, d'y-
urongneries, & desbauches qui s'y cō-
mettent, que i'ay moymesme horreur
en y pensant. Et qu'en prouient-il auf-
si, sinon quantité de rheumes, cathar-
res, & autres infinies especes de mala-
dies, lesquelles ne font qu'alterer,
changer, & corrompre cette seconde
partie de nostre generation, le tresor
de la vie, & le siege de la chaleur natu-
relle, la matiere de la semence, & du
laiet des mammelles. C'est le sang le-
quel est si bien diffus, & mellé par tou-
tes les parties de nostre corps, qu'il n'y
en a aucune qui ne prenne de luy sa
nourriture, & ne se trouue rien de biē
en nous qui ne soit par luy maintenu,
& soustenu: c'est la mere des esprits qui
arrouse le siege de facultez pour la ma-
nutention des forces de tout le corps,
qui foment, & entretient son humi-

dité primitiue, il est tellement rempli d'esprits, que sa conseruation est cause de nostre vie, de sorte que plusieurs ont estimé qu'il estoit le propre siege & domicile d'icelle, & cependant nos desreglees volonteiz accompagnées de nos plus qu'irraisonnables desbauches sont causes que cest entretenement de nostre vie est presque du tout esteint: On ne voit riē autre chose que Medecins & Medecines en campagne pour la renouation de ceste source de nostre vie, tant de saignées faictes mal à propos, que ie m'estōne cōme au lieu d'aider les patiens, on ne les accable du tout, non pas que ie veuille blasmer en ce lieu la diligence du docte & expert Medecin & Chirurgien: lesquels comme amys de la nature, taschent de tout leur pouuoir à le conseruer en son integrité: & ce en le purgeant & mondifiant, ou esuacuant, ce dernier ne se

Diligen-
ce du do-
cte Chi-
rurgien
louée.

peut faire que par l'incision de la veine, dite Phlebotomie, mot composé du grec *phleg*, qui signifie veine, & *tomos*, c'est à dire diuision des parties integrantes. Voyla pourquoy en special on prend ce mot pour incision de veine, par laquelle est faite euacuation du sang & des autres humeurs contenues avec iceluy. Il faut noter qu'il y a plusieurs sortes de saignées comme à la veine, artère, scarifications, & autres, nous parlerons spécialement de la Phlebotomie.

D'où est tiré ce mot Phlebotomie

Gal. 13.
Metho
chap. 6.

Or nous faisons saignée pour six intentions principales, la première pour euacuer, 2. pour destourner & diuertir, ou faire reuulsion, 3. pour attirer, 4. pour alterer, la 5. pour preseruer, la 6. pour allegger, c'est ainsi comme tous ceux qui ont traité de ceste matiere en ont parlé: Mais nous nous contentons de deux causes, sçauoir plethore

Pourquoy on fait ou uerture de la veine.

usques
où l'est
à Phlebo-
omie.

Phleboto-
mie plus
assurée
que la Me-
decine la-
xative.

& cacochymie, l'une ne consiste qu'en la trop grande quantité des humeurs, & l'autre en la mauuaise qualité ; Or l'vtilité de la Phlebotomie ne s'estend pas seulement à l'euacuation de la plénitude qui doit estre faite selon l'espece & difference d'icelle, mais pour diuertir, & deriuier, qui sont les trois sortes d'euacuation. Elle sert aussy pour les grandes & extrêmes douleurs, principalement quand elles viennent de tésion, tellemēt que tous les doctes Medecins, & Chirurgiens, tiennent que la saignée est vn tresbon & assuré remede, si les reigles requises à icelle y sont bien obseruees, voire plus prôpt & plus seur que la Medecine laxatiue, laquelle estant prise agit incontinent & pousse son effect, n'estant en nostre puissance de l'empeschier. Mais la Phlebotomie de laquelle nous tenons les resnes de la conduite, ne fait que ce

que bon nous semble , d'autant que nous l'arrestons & retirons quand il nous plaist. Et veritablement entre toutes les operations chirurgicales , la saignee tient le premier rang , pource que c'est le remede commun des maladies qui procedent de plethore , & cacochymie, comme nous auons dit, toutes deux estant cause antecedente des maladies.

Disons donc que c'est que plethore & cacochymie, & puis nous y approprierons la reuulsion & deriuation.

Plethore, n'est autre chose qu'une repletion de toutes les humeurs esgalemment augmētees ou bien de sang seulement.

Qu'est-ce que Plethore & Cacochymie.

Cacochymie est une repletion de cholere ; de melancholie , ou de phlegme.

La plenitude a deux especes , l'une, *ad vires*, & l'autre, *ad vasa*, on y en ad-

iouste vn autre dite *supra vires*,

La premiere, biẽ que le sang ne soit excessif, ny en quantité, ny en qualité, opprime ce neantmoins les forces debilles: d'ailleurs, l'autre surpasse la symmetrie naturelle, mais encor que les vaisseaux semblent creuer à cause de l'abondance du sang, si n'estouffe elle point les forces, mais s'il aduient que la force en soit affoiblie, ce sera lors (*plenitudo supra vires*): Or il faut remarquer que la cacochymie est triple, cholerique, melancholique, & phlegmatique: süssise de cecy, car qui en voudra voir dauantage lise la Framboisiere en ses loix de Medecine.

Reuenons maintenant à la reuulsio & deriuation, où nous trouuons qu'il y a grande difference del'vne à l'autre, d'autant que la reuulsion est faite de la

partie contraire selon Gal. Si la narine dextre saigne, faut appliquer vne ven-

touſe ſur la regiõ du foye, & ſi les deux ſaignent en faut appliquer deux, l'une ſur l'hypochondre dextre, & l'autre ſur la ſeñeſtre, & ſi le malade eſt fort, on ouurira la veine ſous le coulde, ſi la bouche & la gorge ſont malades, ouurez la cephalique, & c'eſt reuulſion, & ſi on en tire des ranulles ceſt deriuatiõ: de meſme ſi la partie poſterieure de la teſte fait mal, faut faire reuulſion par la veine du bras, puis deriuation par la veine du front, faut auſſi faire reuulſiõ & deriuation du meſme coſté (ſi faire ſe peut) comme ſ'il y a plegmon au foye, faut ſaigner de la baſilique, ou mediane du bras droict: Si en la ratelle, du ſeñeſtre, ſi les roignons, la veſſie & les parties honteuſes, faut ouurir la veine du iarret, ou des maleoles, ſi la iambe droicte, du bras droict, ſi vn bras, de l'autre, & ainſi des autres, i'ay dit ſi faire ſe peut, d'autant que ſ'il ad-

Gal. au 13.
meth. ch.
11. & aph.
36. d. 6.

uenoit phlegmon au foye, & que le bras droit fust bleffé, l'on ne pourroit, ny ne doit-on tirer du fang d'iceluy, lors en faudroit tirer de l'autre ou des maleoles.

Oribas. l. 1.
ch. 22.

Nottez qu'on saigne les arteres, spécialement celles des temples, pour euacuer les humeurs chaudes, flatueuses, qui confluent aux yeux, & aux longues douleurs de teste, aux vertigines, principalement qui sont causees de choses chaudes, & flatueuses, les arteres de derriere les oreilles pour mesme effect, on ne saigne point les grandes arteres, cōme des bras, & autres lieux, tant à cause de la trop grande dissipation des esprits vitaux, que pource que l'agglutination ne s'y peut faire, à cause de leur continuel mouuemēt. Nous en traicterōs plus amplemēt cy apres; Il est temps de sçauoir maintenāt qui sont ceux qui doiuent estre saignez, & ceux

Gal. 13 me
cho. ch. 22.

ceux qui ne le doiuent pas estre, & qui facilement peuuent supporter icelle saignée; & ausquels elle ne peut nuire; sont ceux qui ont la vertu robuste: les veines grosses pleines & amples, qui ne sont ny maigre, ny attenuées, qui ont la couleur bonne & vermeille, la chair dure; ferme & solide: ceux qui sont de disposition contraire ne la peuuent soustenir sainement, aussi ne faut-il saigner les enfans auant l'aage de quatorze ans, & les vieillards outre l'aage de soixante & dix, sinon en cas de grande & extrême necessité, & ce considérant qu'avec le sang s'escoule vne partie de la vie, ce qu'il faut toujours faire prudemment, mesurant la grâdeur de la maladie, avec la force de la vertu, afin que l'on puisse facilement iuger de la matiere, & mesme de l'euacuation, & ne faut pas seulement considerer les forces de present, mais sca-

Obser-
uation en
la saignée

uoir du futur si elles seront suffisantes à soustenir la longueur & diurnité de la maladie. Aussi faut-il observer, si ceux que l'on saigne ont accoustumé d'estre saignez, car ceux qui ne l'ont accoustumé ne la soustiennent facilement, tellement que la coustume se doit considerer en toute sorte d'euation, spécialement, à celle du sang: D'auantage, tous ceux qui ont l'estomach debile, ou qui sont trauaillez de diarrhée, & flux de vêtre, ou qui souffrent quelque indigestion, ne doiuent estre saignez, les femmes enceintes, principalement sur leurs premiers & derniers mois s'en doiuent abstenir, aussi ceux qui ont vſé de trop grande sobriété, ceux qui sont de nature froide & pituiteuse, & ceux qui habitent en region ou air trop chaud ou trop froid, ne portent pas facilement la saignée, toutes choses qui affoiblissent la

vertu, l'horreur & tremblement, l'usage immoderé de Venus, la trop grande frequentation du bain, le flux de ventre, soit de nature ou par médicament, le grand soing, le soucy, les veilles, le trauail, & les longues maladies nous deffendent la saignée. En fin, pour faire ou ne point faire la saignée, il faut considerer toutes ces choses dessusdictes, & plusieurs autres lesquelles ie lairray, crainte d'estre accusé d'escrire icy vne chose qui iadis long temps a esté traictee par des plus doctes, tellement que lisant leurs escrits ie perds toute esperance de pouoir rien dire sur ce subiet qui soit digne de voir le iour, ce qui deuroit estre assez suffisant pour redre ma plume muette en cette affaire, si la grandeur du cas qui merite estre examine par diuers escrits, ensembles vn bon desir qui plus m'affectiōne de pouoir seruir en quelque chose

au public ne m'en-hardissoit d'autre-
 part à laisser à la posterité quelque
 marque de mon debuoir, & ce tant
 pour soulager la memoire de mes cõ-
 pagnons en Chirurgie, voire mesme
 leur donnant quelque entree en l'ob-
 seruation astrologique, ce que peu
 d'entr'eux sçauët, que aussi pour la san-
 té & vtilité de ceux qui se font saigner;
 ayât tousiours proposé la santé des pau-
 ures malades qui requierent estre sai-
 gnez, ou ceux qui le font pour se con-
 seruer des maladies à venir à mon pro-
 pre gain, ce que plusieurs Chirurgiens
 de ce temps ne font: saignant a toute
 heure, en tout temps, en toutes saisons
 & en tous aages, sans considerer les for-
 ces ny la vertu de celuy qui se fait
 saigner, induits à cela par ce maudit
 desir de gagner, ne se souciant des ac-
 cidents qui peuuët suruenir à ceux qui

Charité
 de l'Au-
 theur.

Grande
 erreur &
 auarice de
 certains
 Phlebo-
 tomistes.

ont estez saignez faisant euacuatiō du sang plus qu'ils ne doiuent, ou bien faisant l'operation sur le membre à l'heure en laquelle l'Astre y domine, tellement que plusieurs sont morts par ce remede indeuēment administré, lequel leur a sapé & retranché l'vsage de la vie, ou s'ils n'en sont morts, ils sont tombez en deslōgues d'inturnitez, leurs corps en est deuenu froid, bleśme, & descoloré, & tout cela par l'ignorance de l'operant lequel se mettra à exēcuter ceste tant noble ayde de nature sans estre munny de tout ce qui luy est nécessaire, tant des dons du corps, de l'esprit que autres instruments externes, comme estre ieune, bonne veuē, la main ferme, & exercitē à la Phlebotomie, bon anatomiste pour cognoistre la scituation des veines, & des autres parties du corps, car sans icelle il seroit

Conditio
du Phle-
botomi-
ste.

comme l'aueugle qui trenche le bois. Or icy ne sera hors de propos de noter, que si les veines n'estoient apparetes, il ne les faut ouurir le matin, ains enuiron vne heure apres midy, & ceux qui se pourront promener ferot quelque peu d'exercice, lors toutes les veines les plus occultes & inuisibles, par maniere de dire, apparoiſtront. I'en'ay pas eſcrit cecy ſinon pour ceux qui ont les veines petites & couuertes de chair ou graiſſe, auſſi n'inſtruiray-ie pas le Chirurgien à faire enfler les veines par frictions, battemens de membre, en l'eau chaude, ligatures, & d'aſſeurer le malade de ne luy faire aucune douleur, car cela eſt trop triual. Bien diray-ie (pour reuenir à noſtre propos) que les inſtruments externes par le moyen deſquels ceſte operation ſera accomplie, ſeront bonnes lancettes de pluſieurs façons, ligatures, bâdes, com-

Inſtrumens pour la ſaignee
quels.

presses, poudre rouge, charpy brulé pour arrester le sang s'il en estoit besoing, ou avec le cotton puluerisé en la façon qu'auons monstre en nostre Chirurgie chymique : Ce defaut se trouue en la plus grand part des Phlebotomistes de nostre aage, speciale-
Defaut aux Phlebotomistes.
ment de la cognoissance de la tant excellente & admirable Astrologie, sans laquelle il est quasi impossible de pouoir bien exercer la Medecine, ny Chirurgie sur nostre corps, à bon droit appelle petit monde; pour auoir vne grande sympathie avec le grand, comme ie monstreray cy apres moyennant l'ayde de Dieu; ensemble l'observation qu'il faut tenir en la concurrence des Astres, & influences d'iceux sur nostre corps, afin d'euitier aux accidents malheureux que nous voyons aduenir tous les iours à l'endroit de ceux qui ont

esté saignez aussi inconsidérément, c'est ce qui m'a distraict de n'explucher par le mesme, toutes les conditions requises en ceste operation tant pour le Chirurgien, que pour le malade, & autres choses sur ce requises, n'ayant deliberé de traicter en ce subiet, sinõ de deux principaux points de ceste operatiõ, sous lesquels deux, peuuent estre compris tous les autres, qui les voudroit expliquer; toutefois, ie me contenteray d'auoir tracé ce petit sentier à quelqu'un, qui poussé d'un plus haut stile, & accompagné d'une plus haute science, stimulé d'un plus petit que luy, aura eu desir d'auoir la cognoissance de ceste science d'auantage du petit sçauoir qu'il a plu à la bonté diuine me donner, en auoir fait participants les desireux & amateurs de la vraye & parfaicte Chirurgie, stimulé de ce desir, dis-je, il estende ses voiles

d'éloquēce pourvoguer en plus haute mer, que ie ne fais pas; Or reprenāt le fil de mō discours, ie mē contēteray, dis-ie, de ces deux points principaux, qui est le temps de necessité & le tēps d'election ; celui de necessité est en tout temps, en toute saison , & à toute heure, sans considerer aucune chose de ce qui pourroit empescher , pourueu quē la necessité soit recogneue estre la plus forte, comme ie diray en son lieu: celui d'election est pris ou du naturel du corps de celui qui doit estre saigné, ou des choses superieures & externes lesquelles doiuent estre vn beau iour clair & net, & non pluuieux ny du tout au commencement de la Lune, ny fort prés de la fin , & plustost au Printemps qu'en autre saison ; ie diray aussi sur quelles parties de nostre corps les planettes, & les signes celestes dominant particulierement, aussi

Temps
de necessité
d'où pris.

Temps
d'electiō
d'où pris.

en quel iour, en quelle heure, en quel temps, & en quelle saison, afin qu'ayāt la cognoissance de ces choses on ne commette pas tant d'erreurs en cette operatiō comme ils'y commet par les ignorans; protestant n'auoir escript ce traicté, poussé d'autre desir que pour ayder & suruenir à tant de pauures malades qui meurent faute d'estre biē soulagez par cet excellent remede: & non pour en receuoir aucune gloire, que s'il m'en vient quelque estincelle ie le consacre & dedie des maintenant à l'Autheur de toutes choses, auquel pere fils & saint Esprit soit gloire honneur & louange au siecle des siecles. Amen.

Prote-
station de
l'Autheur.

Comme le Chirurgien ne doit ignorer
l'Astrologie, & le proffit qui en reuiet
tant pour la Phlebotomie que pour
toutes les maladies qui suruiennent au
corps humain, la sympathie des Astres
auec iceluy, & autres enseignements
tres-vtilles au Chirurgien.

CHAPITRE II.



Bon droit le Poëte Comi-
que à prononcé ceste senten-
ce, laquelle est digne de grã-
de consideration, a sçauoir,
qu'il n'y a rien de plus deraisonnable
que l'homme ignorant lequel ne trou-
uerien bon que les choses qu'il fait, &
desquelles seulement il a cognoissan-
ce, ce que ie mets en auant à cause d'un
tas de sophistes qui osent mespriser la
force que les corps superieurs ont sur
les inferieurs, alleguât que les anciens

ne se font iamais seruis de ces resueries
ainsi qu'ils les appellent: ce qu'ils met-
tent en auant, ignorant que ce grand
Hippocrates pronostica la peste qui de-
uoit venir des Illiriques, & ce par la co-
gnoissance qu'il auoit de cette admira-
ble & diuine science d'astrologie, cō-
seruant par ce moyen beaucoup des
habitans de la Grece, lesquels en reco-
gnoissance d'un tel bien-faict luy dō-
nerent & attribuerent grāds honneurs,
lesquels il dedia à Hercule: dauantage
n'ont ils pas leu comme le mesme Hi-
ppocrates restaurant & augmentant la
medecine, loüa & fauorisa tellement
l'Astrologie qu'il a demōstré par sciē-
ce, & affermé par raison, la medecine
estre manque sans la cognoissance de
l'Astrologie, dont les Atheniens apres
sa mort firent engrauer sa statue, apres
auoir edifié les colleges notables pour
les lecteurs Medecins & Astrologues &

*Hip. lib.
de dieta &
ris locis &
aquis.*

singulieremēt pour vn Berose grād Astrologue, apres la mort duquelfut dresé au college d'Athenesvne statuë ayāt la langue d'or, pour raison de son eloquence & grand sçauoir en l'Astrologie. Sainct Hierosme en l'Epistre à Paulina afferme l'vtilité de la medecine, Astronomie & Astrologie pour la conseruation du genre humain; S. Denis Arcopagite, par le moyen de ceste science, eut cognoissance de la mort & passion de nostre seigneur Iesus Christ, dauantage elle est assez approuuee en l'escripture sainte, où il est porté que les choses futures peuuent estre predites par l'ordre des elements, mesmes les iours serains & pluuieux; comme aussi en sainct Mathieu duquel i'apporterøis tout le texte au long, si ie ne craignois d'ennuyer le lecteur, & produirois beaucoup d'autres autoritez & exemples tirees des Docteurs de l'E-

plin liu.

7. chap. 37

S. Luc 22.

S. Mark.
chap. 16.

glise que les plus studieux, pourront
rechercher pour rembarrer l'outrecui-
dee ignorance des enuieux, car de la
verité & necessité de ceste science nul
n'en peut douter; ce qui occasionna
Licurgue Lacedemonien de vouloir
en l'administation de la republicque
que l'on obseruaft les cours des Astres,
& par loy expresse ordóna que les La-
cones n'iroient à la guerre auant le
plain de la Lune; Ce grand legiflateur
Moÿse auoit atteint la perfection de
ceste science, ainsi que le telmoigne le
protomartyr S. Estienne aux Actes des
Apostres, & deuant Moÿse le grand
Patriarche Abraham l'exhortoit en la
terre des Chaldeens, comme auffiles
Lybiens, Indiens, & Sages de Perse,
rapporté par S. Augustin. Qui plus est,
ne lit-on pas que Pericles Roy des A-
theniens & Empereur, deliura son ost
qui estoit espouuenté du deffaut du

Soleil, & ce feulemēt par la seule ſciēce
Aſtrologique, de laquelle ſi Ilycias
eut eu la pratique iamais il n'eut per-
du en Sicile ſon beau & triomphant
exercite, confus d'un mouuemēt ſem-
blable, laquelle playe ne fut aux Athe-
niens moindre: mais commencement
d'une infinité de malheurs. Bref afin
que tels maux ne tombaſſent ſur l'oſt
des Romains, Sulpitius Gallus pro-
gnostica de l'eclipse de la Lune long
temps deuant afin que les Cheualiers
ne s'epouuantaffent venans à faillir de
courage voyant ces choses: tesmoigna-
ges qui ſont ſuffiſans pour monſtrer
que ceſte ſciēce a eſté cogneue des an-
ciens tant Medecins que Roys, Princes
& autres grāds perſonnages, leſquels ie
delaiſſe pour cauſe de briefueté, afin
de mettre en auant cet excellent Gui-
don de Cauliac, duquel nos Chirurgiēs
ſont tant de trophée: mais c'eſt ſeule-

ment pour le tenir dans leur estude, ou pour luy faire garder la boutique, car s'ils lisoient attentiuement les enseignemens tres-vtiles qui sont contenus en iceluy ils apprendroient que lors qu'il parle de la racine superieure, & de la racine inferieure en son traitté de Phlebotomie, qu'il n'entend pas par la racine superieure, autre chose sinon que le Chirurgien soit aduisé en temps d'election de cognoistre & choisir quelle planette ou quel signe celeste concourt en tel temps, ou en telle heure qu'il veut faire l'operation. Aussi qu'il cognoisse si l'Astre qui domine la partie y est en mesme temps, afin d'obuier aux estranges accidents qui s'en pourroient ensuiure de mort, ou de grandes maladies, comme dit Ptolomee en la 26. proposition, mais diront ils, cela seroit bon s'il y auoit moyen d'apprendre toutes ces choses en peu de

de

de temps, attendu que nostre vie est fort briefue & l'art fort longue, cōme l'a bien remarqué le Prince des Medecins Hipocrates. Il est vray, ie suis d'accord avec vous, voyla pourquoy tout bois n'est pas bon à faire l'image de Mercure ; puis que tu recognois n'estre idoine de comprendre tout ce qui est necessaire cognoistre à vn vray Chirurgien, que ne te demets tu d'exercer ceste sciēce de Chirurgie si excellēte, & si admirable, voyre plustost diuine qu'humaine, sçachant bien que nous rendrons compte deuāt Dieu de toutes nos actions, & ne seruira alors de s'excuser disant n'auoir eu le moyen d'exercer autre vacation, ayant eu quelque progrès en celle cy : & quel progrès, faire des barbes à la payfante, encor avec mille escoches, arracher vne dent avec mille douleurs, sçauoir couvrir vn emplastre à la massoniere,

H ig.
lib. A j. c.

& tāt d'autres miseres qui se commettent par l'ignorance malicieuse de plusieurs, lesquels ie delaisse pour n'estre veu sortir du fil de mon discours : disant que outre le grand profit que le Chirurgien tire de la cognoissance de l'astrologie en ceste operation ditte phlebotomie, il sert encore beaucoup à la guerison des maladies qui surviennent en nostre corps, aussi à cueillir les plantes, à tirer les metaux, & mineraux des entrailles de la terre, desquels l'on peut preparer par l'art spargeric des remedes tres-salutaires, & les administrer aux maladies qui arriuent en nostre corps, par le desbordement des trois principes premiers desquels tous corps sont composez, sçauoir Soulfhre, Mercur & Sel; desquelles trois substances, toutes les maladies qui en prouiennent sont appellées de leur propre nom, comme sulphurees, mercur-

rielles & falees, lesquelles pour ne faire à ce propos, sont arrestees aux feuillets d'un autre volume.

En la peti-
te Chirur-
gie Chymi-
que.

Mais quelqu'un me demãdera pour-
quoy sont tels noms fufdits donnez à
toutes maladies, faisant ceste question
d'autant qu'ils ignorent, ainsi qu'ils le
confessent publiquement, les trois
premieres substances desquelles tous
corps sont cõposez, qui sont comme
nous auons dit, Soulfhre, Sel & Mer-
cure, lesquelles substances Hippocra-
te a appellé en l'homme amer, doux,
salé & humide, l'un desquels à sçauoir
l'humide, comme plus apparent il a
diuisé en quatre parties qu'il appelle
sang bile, flegme & melancholie, qui
n'est que la tierce partie de ce qui cõ-
stitue la matiere, & qui aussi donne à
cognoistre les maladies venantes de sa
deprauation: mais les deux autres teuës
ou delaissees ont fait enseuelir la co-

Lib. de v
med.

Lib. de ge-
nib.

gnoissance des maladies qui sont de leur essence, occasion qu'elles sont tenues pour incurables, si elles ne se terminent par nature. Ces trois substances sont demonstratiues, & par consequent se peuuent anatomiser, mais les quatre humeurs non: choses ou semblables qui ont fait prononcer ceste belle sentence à Fabius, que les arts & sciences, seroiēt heureuses s'il n'y auoit que les sçauans & bons ouuriers qui en donnaissent le iugement, mais pour respondre & esclaircir ce que dessus: Ie dy que c'est non seulement pour les cognoistre en leur vraye anatomie, avec leur origine & cause, mais aussi pour donner à entēdre quels doiuent estre les remedes, & la nature des medicamens necessaires à leur guarison: tellement que la commune opiniō ne me plait aucunement, en ce qu'on dit les maladies estre guaries par leur con-

Commune
opiniō
de guerir,
rejettee.

traire à ſçauoir les maladies chaudes, par medicaments froids, & les froides par les chauds, ſoit en tel ou tel degré, ce qui ne me ſemble aucunement conſiderable: mais bien faut il regarder ſur toutes choſes aux vertus ſpecifiques des remedes contre chacun mal, d'autant que pour bien guerir on ne ſe doit donner grand peine des accidets, tout ainſi que celuy qui veut eſteindre du feu ne ſe donne grand peine de la fumee, parce que la maladie oſtee les accidets ceſſent, toutesſois ſi les accidets ſurpaſſoient la maladie, en ce cas on laiſſe la maladie pour prendre garde aux accidets, comme en la grande hemoragie: ô ſecond Hipocrate, diuin Paracelſe, quelle obligation t'auons nous, mais quelle ne t'auons nous pas? pour nous auoir menez iuſques à la perfection de la Medecine, ſi le docte Galien viuoit il diroit, (i'en ſuis

certain) voyant les liures de Paracelse, commençons par iceux, comme iadis il dit voyant les liures d'Hippocrate, commençons par Hippocrate, & croy qu'il en bailleroit vne entiere explication, au contraire de les mespriser comme plusieurs singes font, lesquels ne sçauent ny veulent prendre la peine d'excogiter nouueaux remedes, pour le soulagement des pauures affliges de maladie. faisant en cela comme les mauuais Cordonniers qui chauffent vn chacun à vne mesme forme: car veritablement ie m'asseure qu'il y en a mille, & autre mille qui disent qu'a vne maladie froide faut vn remede chaud, qui ne sçaueroient rendre aucune raison, pourquoy cela se doit ainsi faire: or i'insiste icy dessus, & demande pourquoy l'on a baillé nom aux simples vegetaux de quelque partie de nostre corps, comme les follicules

& fleurs de bethoine à la teste, le cytró,
nardus, mirabolans, alleluya, & melice
au cœur, le pulmonaria aux poulmós,
l'hepatica liché, & le iecoraria, au foye,
l'asplenum, pour la ratte, l'ymbilicus
veneris pour l'ymbilic, le calamus aro-
maticus, & cassia fistula pour les inte-
stins, le vesicaria pour la vessie, aux
mains le palma christi, le plantain où
quinque neruij aux nerfs, sauina aux
veines, pour le tibia, & les os, legeraniũ,
ossifana, le macis pour la matrice,
pour les dents, le dentaria, pour le go-
fier, le ceruicaria, & vlmaria, aux oreil-
les, les fueilles d'asari, & ainsi des autres;
me respôdrez vous par ce qu'elles ont
quelque conuenance avec ces parties,
& par consequent quelque propriété
contre les maladies qui suruiennent en
icelles: courage ie tetiens, (Io trium-
phe, le Singe qui rauageoit ceste sacree
sciéce, c'est soy mesme prins) il ne peut

eschaper, mais dittes moy, consideres vn peu la qualité de ces simples, avec la cause des maladies qui suruiennent en ces parties, & vous trouuerez que l'on ne s'est pas amusé à donner nom à ces plantes qu'à cause de la sympathie qu'elles ont avec icelles, leur donnant ayde & secours estant trauaillees des maladies, & cecy se fait à cause de la propriété qu'elles ont à chasser, celle où celle maladie & fortifier la partie affectee, & non pas à cause du chaud ou du froid; c'est pourquoy nous voyons aux fiebres pestilentiellles, donner du theriaque, ou mitridat qui sont de qualité chaude, n'ayant aucunement esgard à la fieure qui est causee par chaleur: or afin que tels medicaments soient vertueux, bien temperés, & du tout amyables à la Nature, il faut auoir recours aux quintessences bien dextrement tirees de chacun compost

Medicaments preparez par l'art Chimique plus salubres que les cōmuns.

soit vegetal, animal, où mineral, selon les vertus spécifiques, que la Nature a données à chacun particulièrement: mesme chose pourrois- ie dire des métaux, car à quoy ceste belle harmonie avec les corps celestes s'ils n'auoient quelque conuenance les vns avec les autres, ensemble des parties principales de nostre corps, avec les celestes & les métaux, comme le Soleil estant au milieu des sept, aussi est le cœur à luy soubmis, colloqué au milieu de l'homme pour premier & dernier mouuant, ayant en soy l'artere battant sans repos qui est l'escliptique du Zodiac, en laquelle le Soleil demeure sans se rendre erratic, lequel a pour centre à sa Sphère le nombril & le continant d'icelle, & depuis les aynes iusques aux os furculaires le col compris: & preste en la masse ceste partie de Lyliaste appelée vertu vitale, & comme

Harmo-
nie des
corps ce-
lestes avec
le corps
humain.

iceluy Soleil est le plus excellent des-
sus les planettes, de mesmes aussi il a
conuenance avec le plus excellent de
tous metaux sçauoir l'Or.

Passons outre & disons de Saturne,
le centre de la sphere duquel, est aux
arteres, lequel a pour sa region, la caui-
té des canaux, les ligamens, nerfs, mouë-
le, ioinctures, l'os de la teste, le front, la
cauité des yeux, & la superieure partie
du nez, & pour corps entier la ratelle:
& y plâte la vertu receptiue, & à sym-
pathie au Plomb comme son vray en-
fant legitime.

Venons à Iupiter lequel a pour cen-
tre Spheric, les poulmons, & pour re-
gion d'icelle la trachée arteré, les mus-
cles seruans à la respiration, & le cuir
de la teste: de luy la vertu naturelle
ayant communication avec l'estain.

Disons de Mars lequel a pour centre
la bource du fiel, & pour region à sa

sphere, la face depuis les yeux en bas, le dedans des mains, la plâte des pieds, & le col de la matrice, où il seme la vertu irascible & expulsiue, & s'est adioint au Fer.

En apres Venus estend sa dominatiô avec sa sphere, sur les vaisseaux dediez à generation, & donne la vertu concupiscible, & le chatoüillement, & communique sa puissance au Cuiure.

Après viêt la sphere de Mercure qui s'estend en tout l'interieur de l'estomach cõpris en l'orifice superieur, auquel la peur à son siege, & la tristesse en l'inferieur, & le ris aux menus boyaux: & pour centre a sa sphere à le foye où il plâte la vertu fantastique, & à domination sur l'argent vif.

Finalemẽt la Lune occupe l'espine du dos, les espaulles, & les lombes où rable, & tient pour corps entier le cerueau, donnant la vertu croissante, ayât

l'Argent pour son inferieur.

Il faut tirer les remedes metalliques pour les maladies de meisme genre.

Et aduenant que l'un d'iceux viene à deprauer, il se fait voir & paroistre au lieu de son emonctoire. Et apres ie vous prie ne sera il pas necessaire de tirer des remedes des metaux pour la guerison des maladies metalliques, sans s'enquerir sophistiquement s'ils sont chauds ou froids; c'est pourquoy nous voyons le Mercure estre le vray alexipharmaque du venin verolique, qui quasi est semblable en qualité, à l'essence de ceste maladie; mais combien plus feroit il d'effect si le pur estoit separé de l'impur.

De ces choses nous apprenons premierement à cognoistre les maladies metalliques avec leur origine, quand aucuns des membres interieurs de l'homme est malade: & secondement d'où il faut tirer leurs medicaments specifiques plus prochainement, & de

plus grande vertu, qui est sans nulle doute des sept metaux dessusdits, & d'vn chacun d'iceux estat approprié à sa maladie: cōme au mal de cœur il faut prédre la medecine de l'Or, aux maladies ducerueau la medecine de l'argēt, à celles du foye, la medecine de l'Argēt vif, à celles du poulmon, la medecine de l'Etain, à celles des roignōs, la medecine du Cuiure, & à celles du fiel la medecine du Fer.

Lesquelles choses ne sont pas de peu de consequence lors qu'elles sont mēces au sublime degré de leur perfection; laquelle preparation gist en la cognoissāce seule de l'art Chymique, art vrayemēt diuin, duquel tāt de personnes en osent donner leur aduis si legerement, sans recognoistre de quel habit il va vestu: toutefois leur ignorance leur faiēt ainsi calomnier cest art si admirable, car il est bien difficile

à vn aueugle de iuger des couleurs: de cecy appert que les corps d'icybas sont regis par les superieurs, comme vrayes peres legitimes d'iceux: or dautant que ie n'ay pas deliberé de traicter plus auant de ces choses en celieu, comme ne faisant au sujet entrepris, mesmes comme i'ay dit cy dessus que ie desire moyennant l'ayde de Dieu, en discourir amplement en mon traicté de Chirurgie Chymicque medicalle; ie prierray de tout mon cœur tous les ieunes Chirurgiens de vouloir prestre l'oreille à ces choses, & embrassant mon conseil reietter les vieilles opiniôs desquelles on voit naistre mille malheurs, pour estre directement contraires a la vraye medecine: Et ne craignôs nous pas d'estre punis côme Afa, & Ochosias pour l'auoir mise à mespris, lesquels en souffrirent. Hippocrates a dit de son temps, la medecine estre tellement brouillee

eg. 2. eb. 5

b. de lege.

par ceux qui l'exerçoient, qu'elle estoit en mespris, tant à cause de leur abus, que du peuple qui les estimoient Medecins: & les dit semblables aux ioueurs de farces, qui par leurs gestes & habits representent ceux qu'ils ne sont point.

Le mesme Hippocrates confesse de soy, encor qu'il eut atteint la vieillesse, n'auoir attainit la fin de la Medecine, puis qu'il confesse n'en auoir eu la parfaite cognoissance, de necessité il en reste a sçauoir quelque chose, assauoir donc si celuy qui trouuera le reste doit estre reietté.

*In epist. ad
democri.*

Galien ne fait difficulté se donner gloire auoir inuenté plusieurs medicaments incogneus, ny encor en l'usage des hommes auant luy; ne reiettons donc point les nouueautez, lors qu'elles sont pour nostre vtilité & profit, si nouueautez nous deuons appeller vn art si ancien que l'espagerie, auquel

*6. de la
methode.*

à la verité on ne peut faire grand profit
 ignorât l'Astrologie, fort requise aussi
 & nécessaire à ceste operation Chirurgi-
 caille ditte Phlebotomie, touchant
 laquelle i'ay entrepris ce petit traicté:
 Car si nostre bon maistre Guidon, du-
 quel toute l'escole accademique de
 Medecine & Chirurgie fait tant d'e-
 stat, ne la eue à mespris, ains, comme
 il telmoigne en son traicté de Phlebo-
 tomie, dit en auoir fait vn liure entier†
 où il discourt amplement de l'obser-
 uation des Astres pour ce subiet: à plus
 forte raison nous qui disons estre ses
 disciples ne la deuons mespriser, mais
 l'embrasser & cherir de tout nostre
 cœur, afin que ne commettions aucun
 erreur agissant en ceste operation. Ce
 petit traicté vous seruira en cela cōme
 d'une guide par le moyen de laquelle
 ne faudrez iamais ou bien peu sou-
 uent, si vous y voulez prendre garde,
 espluchant

† L'iniure
 du temps
 a fait que
 ce liure
 n'est trou-
 ué pas.

espluchât de pres ce qui est digne d'observation : ce faisant en retirerez vne grande consolation selon Dieu : auquel pere & fils & S. Esprit, soit honneur & gloire les siecles des siecles. Amen.

De l'heure de necessité en laquelle sont monstrees les maladies ou eschet necessairement Phlebotomie.

CHAPITRE III.



LA Chirurgie estant vne des pl⁹ nobles & belles parties de la Medecine, tât pour sa certitude (car ses operatiōs sont asseurees) que pour auoir esté de tout tēps exercee des Grecs par leurs Princes, & grands Seigneurs : a vne grande estenduë, & contient beaucoup plus de choses que le vulgaire ne s'est imaginé.

chirurgie
plus cer-
taine par-
tie de Me-
decine.

on la diuise ordinairement en cinq parties, la premiere traicte des thumeurs, que le commun appelle apostemes, qui sont maladies en grandeur & quantité augmētee: la seconde est des playes, qu'on diffinit solution de continuité recente & sanglante faicte aux parties molles, la troisieme des vlceres, & la quatriesme des fractures qui appartiennent aux os: & la cinquiesme & derniere des luxations, qui est quand les os sont hors de leur place & lieu naturel. Toutes lesquelles maladies en leur curation requierent le plus souvent entre autres remedes celuy de la saignée; sans laquelle leur curation ne se pourroit parfaictement accomplir; comme aussi en plusieurs autres sortes de maladies que nous nommerons cy apres, esquelles de necessité la Phlebotomie est requise & necessaire: és vnes, & és autres la saignée peut bien seruir,

mais non pas que de necessité necessitante elle leur soit necessaire: de toutes icelles nous discourons icy briefuemēt afin que le ieune Chirurgien puisse cognoistre quelles maladies requierent la saignée, & quelles non.

Tellement que pour vne grande douleur de teste, qui est en la partie posterieure nous incisons les veines du front; aux squinances, l'on ouure les veines de dessous la langue: à toutes affections ou maladies qui ostent l'haleine & nous estranglent & à celles qui soudain font perdre la parole, la Phlebotomie est necessaire: aussi à toutes grandes contusions des parties internes, ou externes, comme est tomber de haut, où auoir receu quelque coup orbe encore que la vertu fust debille, & que le sang ne pechast en qualité, ny en quantité, il faut faire la seignée: en l'apoplexie, pleuresie, fiebure ardente, in-

En quel-
les mala-
dies la
saignée
est vtile.

continent, & au commencement du delire, qui n'est autre chose qu'un depraue, & errant mouvement de l'imagination blesee: il faut faire Phlebotomie pourueu que la vertu soit assez forte, & que l'aage le permette, la saison & la region, & mesme quand cela ne seroit pas, pourueu que la vertu soit un peu forte. Aussi le malade apres s'estre precipite vomit le sang, soudain luy faut ouurir la veine, autrement le sang se pourroit cailler si on le laisse reposer & refroidir, il ne faut saigner le malade en la rigueur de la fiebure: & qui le feroit seroit luy couper la gorge. Or si la fiebure ne croist plus, & aussi ne décroist point, & n'esperons aucune declination d'icelle, en tel cas, il ne faut perdre ceste seule occasion de la saignée, encore qu'elle soit pire qu'en la declination de l'accès. En la chiragre & podagre l'on peut ouurir les veines du

Delire
le c'est
il 2 aph
12.

iu 13 de
metho.
hap. 27.

pied ou de la main, & à la migraine les arteres & veines des tēples: & par ceste euacuation de sang qui flue avec le Virus arthritique, & les esprits bouillās qui s'esuacuent, la douleur soudain s'appaise. Or en la fiebure intermitente la saignée doit estre faite non apres le tiers accès, comme veut Galien, mais au commencement. Or ceste euacuation de sang se doit entendre s'il y a plethore au corps, & plenitude des vaisseaux, pour euantiller & rafraeschir la masse des humeurs, car autrement ne feroit faire euacuation de sang, d'autant qu'iceluy est le frein de la colere.

En la fieure quarte si le sang est abondant, il en faut tirer de la mediane ou Basilique du bras senestre, ou de la veine splenique, avec tel cy, que s'il se monstre noirastre & espais, il le faut laisser couler: & au contraire s'il se

monstre teint & bien coloré il le faut promptement arrester.

En la cure de la fieure finoche le benefice de la Phlebotomie fait ouurir le ventre, les sueurs sortent fort abondamment, chose fort souhaitable en ceste espece de fiebure: Ce qui esmeut Galien à dire qu'il falloit icy saigner iusques à l'ipothimie: mais toutefois craignant qu'on ne rendit l'ame avec le sang il vaudra plus reiterer par diuerses fois, tant que les forces du malade le pourront supporter; mesmes en la fieure ardente, espece de tierce continue, doit estre faite saignée en bonne quantité, si la vertu, l'aage, & autres circonstances le permettent.

De mesmes faut saigner en la fieure quarte, clisterisant premier, pour laquelle chose artificiellement executer, faut choisir & ouurir la veine du bras senestre, qui à plus de communication

avec la rate enuers laquelle la plus part de ceste fiebure est souuent amallee. Disons aussi qu'aux fieures pestilenciennes ne faut indifferemment comme l'on faict aussi tost qu'on voit le malade frappé de peste, luy ordonner la saignée, ce qui a esté bien souuent cause de la mort d'une infinité de personnes; mais si la matiere est vrgente en quantité, qualité & mouuement, faut tirer vne resolution qu'en la peste causée du vice de l'air avec plenitude de sang & d'humeurs, la saignée, ie diray ensemble la purgation y sont necessaires: se representant aussi le dire de Celse, que d'autant que la peste est vne maladie actiue & tempestatiue, il faut promptement vser de remedes, mesmes avec temerité. Pourquoy faut considérer si le malade pestiferé a vne fieure ardente & grande repletion aux conduits, & que la vertu soit forte: qui

Celse liu
3. chap. 7

se peut cognoistre lors que les veines sont fort plaines & estenduës, les yeux & la face grandement enflâmez: aussi quelquefois au crachement de sang, avec grande pulsation des arteres des temples, douleur au gosier, difficulté de respirer, espoinçonnement par tout le corps avec tres-grande pesanteur & lassitude: les vrines estant rougeâtres, troubles & espaisies: en tel cas faut saigner promptement, pour ayder à nature à se delcharger, de peur qu'il ne se face suffocation de la chaleur naturelle pour la trop grande abondance de sang: adonc tu ouuiras plustost la veine Basilique du costé senestre, que du dextre, à cause que le cœur & la rate en ceste maladie sont fort affectez: & tireras du sang en abondance selon que verras estre necessaire: regardant tousiours à la force & vertu du malade, se gardant de faire la saignee pen-

dant qu'il y aura frisson de fiebure.

Or il faut icy noter qu'en telle repletion la saignée se doit faire autrement en fiebure pestilente simple, qu'en celle qui est accompagnée d'un bubon, ou charbon: car s'il y auoit l'un ou tous les deux conioincts avec la fieure grande & furieuse, alors il faudroit ouurer la veine plus proche de l'aposteme ou charbon, & selon la rectitude des fibres afin que par icelle le sang soit tiré & euacué plus directement: pour autant que toute retraction & reuulsion de sang infect vers les parties nobles est deffenduë de tous bons Medecins & Chirurgiens. Or suffit de la fiebure iusques a ce que nous parlerons des symptomatiques: & començant aux tumeurs en general, ie d'y que s'il y a repletion, en tout le corps faut purger & seigner, & du surplus faire frictions & baings comme en la cure de vray

Observation en saignée pour la difference des maladies

Phlegmon faudra divertir la fluxion, laquelle sera destournée si nous oſtons les causes d'icelle aſçavoir la Cacochimie, ſou la plethore: ce qui ſe fera par purgations premierement, mais principalement par la Phlebotomie.

Venôs à l'erisipele car ſil eſt à la face, & qu'il l'occupe grandement, la Phlebotomie luy eſt fort neceſſaire, laquelle ſera faiſte de la veine cephalique: ſemblablement conuient la Phlebotomie ſil y a quelque portion de ſang meſlé avec la collere: mais ſil eſt en autre partie, & qu'il ne ſoit en grande quantité, où qu'il ſoit fait de pure collere, la Phlebotomie n'eſt neceſſaire veu que le ſang eſt frain de la collere, comme nous auons dit cy deſſus: d'auantage le chancre ſe guerift le plus ſouuent en purgeant & faiſant la Phlebotomie.

Pour les tumeurs en particulier cō-

mençant à la parotide, nous dirons que la Phlebotomie y est grandement necessaire, specialement lors qu'il y a rougeur en la partie, qui demonstre grãde inflammation & abondance de sang, aux amigdalles aussi grossies & tume-fies faut purger, mais specialement, saigner & appliquer des vëtoufes, derriere les espaules avec scarifications, à celle fin d'obuier aux accidents qui en peuuent suruenir, comme suffocation & estouffer par consequent.

Le mesme remede est necessaire à la tumeur, ou inflammation & relaxation de l'vuule nommee des Latins *columella*.

De mesmes pour l'esquinance, faut que le Chirurgien soit prompt attendu que ceste maladie ne donne grand loisir, parquoy il faut saigner le malade de la basilique du costé de la fluxion, & le iour mesmes des veines de

deffous la langue, pour euacuer la matiere conioincte.

Difons du panarix , ou paronichie la curation duquel confifte feule-
ment à la purgation & faignee : toute-
fois le refte felon la prudence du bon
Chirurgien.

Venons maintenant aux playes auf-
quelles pour les petites n'eft beaucoup
neceffaire phlebotomer, mais aux grâ-
des, & où il y a danger de fluxion , ou
que le corps eft replet cōme des playes
des ioinctures, tendons, nerfs , & ou
l'on craint douleur, refuerie, & inquiet-
tude , voire mefmes lors quelles font
accompagnees de fiebure: Et pour l'ef-
pafme venant aux playes faites par re-
pletion fera curee par inanition: & ce
par le bon regime de viure purgeant
& faignant : & pour remede refolutif:
frictions & bains fulfurez.

Quand aux playes particulieres, s'il

furuient en celles de la teste avec fracture, ou contusion, fiebure continue & resuerie avec grande inflammation phlegmoneuse, accompagnée quelque fois de la lezion du Pericrane, c'est alors que de necessité faut tirer grande abondance de sang: mais en cela faut que le Chirurgien considere les forces du patient.

Touchant la commotiõ du cerueau, le Chirurgien voyant que l'os n'est pas fracturé, mais il doute qu'il aye quelque vaisseau rompu au dedans, promptement luy tirera du sang de la veine cephalique du costé blessé, & luy en fera tirer assez bonne quantité, ayant esgard à la maladie presente & future, & principalement à la vertu, comme j'ay dit cy-dessus, & autres choses lesquels il faut considerer à la saignée.

Il faut icy noter qu'aux playes faites

par les arquebusades, ne sort guiere de sang, parquoy le iour suiuant il faut v-
set de Phlebotomie reuulsiue, & en
tirer selon la plenitude & vertu du pa-
tient; & ne faut craindre faire auersio
du sang vers les parties nobles, atten-
du qu'en ses playes n'y a aucune quali-
té veneneuse.

Quant à ce qui concerne le sang des
grandes contusions, au dedás du corps,
se doit euacuer sensiblement ou in-
sensiblement, laquelle euacuation in-
sensibile, se fera par saignees, ventou-
ses, ou scarifications, où par sangsuës, &
cela le mesmes iour ou le lendemain:
Et à cecy Hippocrate au liure des fra-
ctures se semble accorder, disant si
quelqu'un est tombé de haut, le mes-
me iour on luy doit donner Medeci-
ne ou saignée; & Galien dit sur ce sub-
iect, si quelqu'un est tóbé de haut, en-
core qu'il n'eust assez de sang, si est ce

qu'il luy en faut tirer, pour obuier qu'il ne se coagule, & pourrisse au dedás du corps estant hors des ses propres vaisseaux: & en la curation de la gangrene, vne partie de la curation gist en la purgation & en la saignée, si l'habitude du corps est plethorique ou cacochime.

D'auantage pour la curation de la tigne, si ceux qui sont atteints d'une telle maladie sont en aage suffisant seront saignez, & du surplus purgez & saignez.

En la curation de l'Ophtalmie le Chirurgiẽ se doit proposer trois points: Le premier est le regime de viure, le second, euacuation de la matiere antecedente, le troisiẽme, l'applicatiõ des medicaments topiques, lesquels deux iẽ delaissieray pour ne faire a ce subiet: & diray seulement que celuy qui doit euacuer la matiere antecedente, s'obtiendra par purgation & phlebotomie,

& par ventouses, appliquees sur les es-
paules: de mesme pour l'vngula, de la-
quelle au commencement de la cura-
tion, faut vser de purgation & de sai-
gnée, principalement s'il y à grãde in-
flammation.

Qui plus est en la cure de mydriasis,
qui n'est autre chose qu'une dilatation
de la pupille de l'œil faicte naturelle-
ment, ou par accident: la cure ne con-
siste sinon à appliquer dessus choses
repercussives, & appaiser la douleur &
prohiber la fluxion par bon regime de
viure, specialement par la Phleboto-
mie, ventouses, frictions, & autres
choses que l'on verra estre vtils.

A la douleur des dents faicte par flu-
xion, l'on peut faire la seignée afin de
uacuer la matiere antecedente: le tout
par l'aduis du bon Chirurgien.

En la cure preseruatiue des pierres,
principalement s'il y à repletion, faut

euacuer

euacuer tant par medicaments, que par phlebotomie, & par vomissemēt, lequel est vn singulier remede pour precaution de la pierre, & si l'on venoit à l'extraction d'icelle, il faudroit bien purger le patiēt, & le saigner deux iours apres qu'il auroit prins medecine

En la petite verole ou rougeole, maladies qui sont fort frequentes aux enfans, ne faut aucunement saigner, s'il n'y auoit grāde plenitude ou quelque complication de maladie (cōme vne pleuresie, ophtalmie, esquinance, & autres semblables) si ce n'est en la declinaison, ou bien le premier ou secōd iour de la maladie au plus tard.

Or il faut noter qu'en plusieurs maladies il ne faut attendre que le mal apparaisse, pour apres vser de la phlebotomie, comme dit Galien, ains il y faut preuoir les saignāt au Printemps, ainsi que nous dirons en la partie de

l'election.

La necessité n'a point d'heure en la saignée.

Finalemēt, pour la necessité de faire ou ne point faire la phlebotomie, ie dy que lors que la maladie le requiert, & que la necessité presse, l'on peut saigner en tout temps, en toute saison, à toute heure, soit de nuict ou de iour, considerant tousiours la force & vertu du patient, la quantité & qualité du sang tiré, se comportant en toutes ses operations Phlebotomiques prealegues avec vn sain iugement, accompagné de sçauoir & d'experience : au contraire malaisément pourra il venir au but proposé, tellement que lors qu'il recognoistra estre necessaire de faire phlebotomie, quand il s'agist de la preseruation de la vie, & qu'il se trouue tout seul ne pouuant consulter touchant la maladie avec personne, il ne se doit representer aucun obstacle deuant soy, soit ou pour la qualité ou grâdeur

du patient, ou pour crainte de faire l'operation sans aduis, car cela l'empescheroit de bien faire icelle operation, d'autant que la crainte venant à luy causer vn tremblemēt manuel, seroit suffisante pour empescher l'effect de l'operation, tel que nous le demandōs.

Le Phlebotomiste doit estre hardy.

Venons maintenant à l'heure d'electiō, laquelle est diuisee par Guidon en deux, sçauoir racine basse, & racine superieure, entēdant par la racine basse la disposition du corps, du temps, la region, la coustume, la force, la vertu, & ainsi des autres: & par la superieure, l'observation en la concurrence des Astres; laquelle heure d'election nous deuiros briefuement n'ayant entrepris icy de discourir d'autre sujet que d'iceluy, encore, cōme i'ay dit, le plus succinctement qu'il me sera possible, moyennant la grace de Dieu, auquel Pere Fils & S. Esprit, soit honneur &

Heure d'electiō diuisee en deux.

gloire és siecles des siecles eternelle-
ment. Amen.

*De l'heure d'election pour la racine basse,
& de la racine superieure qui s'estend
à la cognoissance des Astres, tant en la
concurrence qu'ils ont aux parties de
nostre corps, que sur les humeurs &
maladies qui arriuent en iceluy.*

CHAPITRE IV.

❖❖❖ La science Astrologique est si
❖❖❖ L'admirable, qu'elle a fait dire à
❖❖❖ tous les Medecins philosophes
tant anciens que modernes,
qu'il estoit tres-necessaire au Chirur-
gien d'auoir la cognoissance d'icelle,
tant pour le profit & vtilité que l'on
en peut tirer en plusieurs sortes, que
pour la necessité de cognoistre la con-
currence des Astres sur nostre corps,

desquels le Chirurgien doit obseruer exactement l'influence sur les parties d'iceluy en toutes ses operations, notamment en celle de la Phlebotomie, de laquelle tous ceux qui en ont traité ont obserué deux heures, come nous auons dit cy deuant, sçauoir l'heure de necessité, & l'heure d'election; en laquelle heure de necessité le Chirurgiẽ se sçaura reigler selõ le discours cy dessus allegué. Maintenant reste à dire de l'heure d'election, laquelle, selon la doctrine du bon Guidon, nous diuiserõs en deux; sçauoir, racine basse, & racine superieure; or la racine basse peut estre entendue de la façon: premierement la coction de la viande, si l'on en a pris deuant la saignee, sera faite, aussi si l'on sang est gros, sera necessaire deuant la phlebotomie faire quelque peu d'exercice, afin de subtiliser le sang, ou bien qu'il prenne choses qui ayent la faul-

Obserua-
tion tou-
chât l'heu-
re d'ele-
ction.

té de le subtiliser, tels sont le syrop de Calamète, & semblables: pour la leccō-
 dation on doit considerer la force, ver-
 tu robuste, la temperature, & la neces-
 sité de celuy qui doit estre saigné, à cel-
 le fin que la reïteratiō ne soit faite plus
 tost ou plustard qu'il n'est necessaire,
 elisant vn iour tranquille & non sub-
 iet à inconstance, clair, non trouble, ny
 pluuieux, au Printemps & en Autem-
 ne, faisant aussi election du vent qui
 court, comme si c'estoit en Hyuer, fau-
 droit prendre vn iour que le vent de
 Midy souffleroit. On pourroit icy de-
 Discretiō mander si les vents ont quelque pou-
 uoir sur nos corps, pour s'arrester à leur
 obseruation. A cela ie respōs, que l'ex-
 perience nous fait voir les effects qu'ils
 produisent sur nos corps, comme pe-
 ste, coqueluche, pleuresie, apostemes,
 catharres, fluxions, petites veroles, &
 galles: tant de bestes venimeuses, com-

me grenouilles, crapaux, sauterelles, chenilles, araignes, mouches, hannetons, limaçons, serpents, vipères, coleux, lezards, scorpions, & aspics. Voire & en tout temps chaud & humide, si le vent Austral souffle, les viandes pourrissent en moins de deux heures, tant soient elles fraiches, c'est pourquoy on ne doit entrer en doute que le corps humain ne tombe en affection contre nature quand les saisons pervertissent leurs qualitez par la mauuaise disposition de l'air & du vent qui est meslé en iceluy: A cecy ie ioin dray ce que le grand Hipocrate a veritablemēt prononcé, que l'air a ie ne sçay quoy de diuin en soy, pource que soufflant par le monde vniuersel circuit toutes les choses contenues en iceluy, les nourrit miraculeusemēt, les soustient fermement, & les entretient en amiable vnion, & le tout symbolisant avec les

Hipo.
la prefa
du pron
fic.

Et Gal.
commē

Astres, esquels la prouidēce diuine est infuse, qui change l'air à son plaisir, & luy donne puissance tant sur la mutation du temps que des corps naturels; pource les Philosophes & Medecins ont expressement commandé d'auoir esgard aux assiettes des lieux, & aux constitutions de l'air, & concurrence des Astres, lors qu'il est question de garder la santé, ou de guerir les maladies, à l'endroit desquelles la fuite & la mutation dudit air a fort grande puissance. Le mesme Hippocrates dit, nos corps receuoir grande alteration par la vicissitude des temps & saisons de l'annee, comme par le vent Austral, qui nous assubiettit à toutes maladies, recognoissât l'humidité pour leur cause premiere, & affoiblit nostre chaleur naturelle, laquelle en cas opposite se fortifie, & rend plus vigoureuse par vn froid & sec qui pareillement rend nos

Hipo. au li
bre 3 des
Aphorif.
ch. 5 & 17.

esprits plus subtils & agiles. Dauantage on remarque aux quatre vents principaux, quatre elemés, quatre humeurs, quatre tēps, & quatre aages. L'Auster participe en qualité à l'aage tendre, puis au feu, & à la colere, enléble à l'esté

Belle remarque
sur les vêts
& nos
corps.

Austraphricus, participe à l'aage plus fort, aux airs, au sang, & à la primevere.

Subsolanus, participe de l'aage pesant, de l'eau, du flegme & de l'Hyuer.

Fauonius à l'aage le plus flectri, à la terre, humeur melâcholique, & à l'Automne.

Je m'arresterois dauantage sur la propriété des vêts, mais ailleurs i'en ay parlé suffisamment, n'en ay ant traicté en ce lieu que pour monstrier comme ils ont pouuoir sur nos corps, & partant n'estre hors de propos de les obseruer en la phlebotomie electiue. Or reuenant à nostre propos, nous disons que si les veines estoient petites,

En sa grā-
de Chirur-
gie.

faudroit attēdre l'heure de dix heures, car en ce tēps là elles paroissent mieux qu'à cinq & six heures du matin, telles sont les veines de la langue, des mains, & des pieds: obseruant aussi en Hyuer la phebotomie estre faite de la partie fenestre, & en Esté de la partie dextre, comme dit Guidon: La raison est, dit-il, (que les humeurs que nous cherchōs en iceux temps à euacuer, proprement sont en telles parties) estant vray semblable que les humeurs froides dominēt plus à la partie fenestre, & les chauds en la partie dextre. Voila pourquoy en Hyuer, qui est froid, nous tirerons du sang de la partie fenestre, & en Esté du dextre: semblablement l'habitude naturelle du corps doit estre confidee en vuidant du sang, car plus largement vuidons nous ceux qui ont les veines larges, & qui ne sont trop maigres, ny blācs, ny ont la chair trop ten-

dre, mais au contraire, moins ceux qui ont peu de sang & la chair facilement transpirable; de mesme aussi faut-il auoir esgard à la region: car si elle est grandement chaude, comme est en nostre France le pays de Languedoc & Prouence, en ce lieu ne faut point faire grande euacuation: le semblable se doit obseruer en la region froide, à cause que par la region la chaleur naturelle vuidee avec le sang refroidit par trop le corps, & la region chaude par sa chaleur debilité la vertu. Par cette mesme raison, le tēps d'Esté, ny d'Hyuer ne sont nullement ydoines à faire section de veine, mais le temps plus propre est le commencement du Printemps, pource qu'il est temperé ourant la veine au matin, non pas tout à l'heure que l'on est esueillé. Dauantage il faut aussi considerer la vie precedente, à sçauoir si celui à qui il faut ti-

Regions
doient
estre ob-
seruees en
la saignée.

rer du sang, a vſé de grande quãtité de viãdes ou de boire, principalemēt de celles qui donnent grande nourriture, car alors l'on les peut ſaigner hardimēt au contraire moins, toutesfois à ceux qui ſõt trop exceſſifs, yurógnés, voluptueux & gourmans, ne faut y mettre la main, pource que veritablement en leur tirant du ſang, on ne leur aide pas de beaucoup, attendu que par leur intemperance ſoudainement amaſſent grande abondance d'humeurs.

Auſſi ne faudrail pas negligemmēt laiſſer la couſtume touchãt la ſaignee, car ceux qui l'ont accouſtumé la ſupportēt mieux que ceux qui ne l'ont accouſtumeé, tellemēt que l'on peut par grande raiſon phlebotomer ceux à qui les deiectiõs des excremēs ſõt retenuës pour auoir laiſſé l'exercice accouſtumé.

Or c'eſt aſſez parlé de la racine baſſe,

difons maintenāt de la ſuperieure, car En libro de
criticis dia-
bus.
comme dit Galien, enſemble le philo-
ſophe, le mōde inferieur eſt gouuerné
par le ſuperieur: tellement qu'il eſt ne- Pria. metho.
ceſſaire au Chirurgien de cōſiderer les
influences des ſept planetes, enſemble
des ſignes, & autres corps celeſtes, afin
qu'ayant la cognoiſſance d'iceux on ſe
garde de faire phlebotomie en la par-
tie qui eſt occupee par quelcun de ces
ſignes, lesquelles planetes & ſignes
nous mettrons par ordre ſelon les par-
ties du corps qu'ils occupent.

Premierement, Saturne froid & ſec Sur quel-
les mala-
dies les
planetes
dominent
a regard deſſus l'humeur melancholi-
que, & ſur les maladies faites de melā-
cholie, & par conſequent domine la
rate.

Iupiter chaud & humide, a regard
ſur le ſang, & ſur les maladies faites de
ſang, & par meſme raiſon domine le
foye.

Mars chaud & sec a regard sur la colere, & sur les maladies coleriques, par ce moyen domine le cystis felix.

Sol, chaud & sec domine le cœur. Venus froid & humide estend sa puissance sur les vaisseaux dediez à la generation.

Mercur, de complexion temperee, est indifferent à toutes les humeurs.

La Lune froide & humide, a regard principalement sur le flegme, & sur les maladies flegmatiques, domine le cerueau: mais sa puissance s'ested beaucoup plus loing en ce qui concerne sa proprieté pour la saignée electiue; car icelle deliuree de son empeschement cōioincte avec Iupiter, Venus & Mercur, en la sixiesme, troisieme & quatrieme opposition en son propre signe, il est tresbon pour la saignée.

Au contraire, il ne fait bon saigner la Lune estant en Leo, ou au Dragon,

12. degrez deuât ou apres: & principalement, faut prendre garde que Saturne ne soit en opposition ou conionction: ou Gemini avec Mars, car tels aspects sont grandement dangereux: mais la Lune estant aux trois signes susdits, qui est Iupiter, Venus & Mercure, est fort bon; Pisces & Sagittarius, pour les flegmatiques, la premiere partie de Libra, pour les melancholiques; pour les colleriques; Cancer & Pisces; & leurs contraires sont Leo, la seconde partie de Libra, la premiere de Scorpio; les autres sont indifferents, & moyens pour la Phlebotomie, toutefois nous en parlerons plus particulierement cy apres.

Aspects
des Astres
doivent estre obser-
uez en la
saignee.

Or cecy est digne d'obseruation, que le tēps de la Lune (mere des humeurs) est diuisé en quatre parties: la premiere est depuis la conionction ou nouvelle Lune, iusques au premier quar-

tier figuré par Gemini qui dure sept iours, esquels fait bon saigner ieunes enfans.

Diuision
des temps
de la Lune

La seconde est depuis Gemini, iusques à l'opposition qui est la pleine Lune, autres sept iours, esquels fait bon saigner ieunes & virilles de l'aage de vingt ou trente ans: la tierce est depuis l'opposition iusques au dernier Gemini, qu'il faut saigner les virilles, & vieux depuis trente ans iusques à soixante.

La quarte partie de la Lune sont les derniers sept iours de son dernier Gemini, qu'il faut seulement en extrême necessité saigner les vieux & caduques au dessous de cinquante ans: & neantmoins en quelque aspect que soit la Lune, ne faut inciser aucun membre, ne toucher de ferrement ou cauterie actuel ny potentiel la Lune estât au signe dominant iceluy membre. Il faut noter que la tierce quadre est la
meilleure

meilleure pour phlebotomer. D'auantage la premiere quadre est chaude & humide, la seconde chaude & seiche, la tierce froide & humide, la quarte froide & seiche: vray est qu'en tout temps la Lune par soy effectiuement est froide & humide, mais elle acquiert en ses quadres diuerfes complexions, selon les diuers regards du Soleil. Ainsi disons nous qu'un chacun doit estre phlebotomé à la quadre avec laquelle il a plus de similitude: & commence la premiere quadre apres la conionction de la Lune avec le Soleil. Or il faut icy prendre garde que par cōionction nous entendons quand la Lune & le Soleil sont en vn mesme signe; & par opposition ou pleine Lune nous entendons quand la Lune est en vn signe, & le Soleil est en signe opposé en la moitié du Zodiac.

Or les aspects de la Lune sont con-

ionction, opposition, quadrat, trine, sextil, marquez en la façon qui suit par les Astrologues.

Conionction, en telle façon,	♌
Opposition, en telle façon,	♍
Quadrat, en telle façon,	♎
Trine, en telle façon,	♏
Sextil, en telle façon,	♐

Proprietez des douze signes sur le cosus humain.

Dauantage nous considerons en la huitiesme sphere, qui est le ciel estoilé, que l'on appelle Zodiac, douze signes, dont les trois sont de nature de feu, qui sont Aries, Leo, Sagittarius: propres pour les phlegmatiques, excepté aux parties bruslantes dessus nommez, signes qui passent par huit de grez, iusques à treize degrez du Sagittaire, & confortent la vertu attractiue.

Les autres trois sont de nature d'eau à sçauoir Cancer, Scorpio, Pisces; fort propres aux colériques, bons pour conforter la vertu expulsiue, & pour ad-

ministrer medecine laxatiue.

Et les autres trois de nature de terre, lesquels sont Taurus, Virgo, & Capricornus; fort propres aux sanguinaires, bons à cōforter la vertu retentive.

Les autres trois participent de l'air, sçauoir Gemini, Libra, Aquarius: ceux cy sont fort propres aux melancholiques, bons à conforter la vertu digestive.

Or pour cognoistre sur quelles parties de nostre corps lesdits signes dominant, nous les mettrons icy par ordre, afin que le Chirurgien n'y commette erreur. Pour le iour & heure auxquels ils concurrent, il faudra auoir recours à quelque bon Almanach, Ephemeride, ou bien aux Ephemerides de l'Origan, qui durerōt encores iusques en l'an 1650, ou 1660.

Il faut noter icy que ie vous enuoye aux Ephemerides pour cognoistre en

quel iour, heure, degré, & minute le signe dominera, car de vous l'apprendre icy, ensemble leur ascendant, conionctions, oppositions bones ou mauuaises, cela est hors de mon dessein, ioinct qu'en ma grande Chirurgie, i'en parle assez amplement; voyla pourquoy vous aurez recours aux Ephemerides; cependant ie poursuiuray, disant sur quelle partie du corps les Astres dominent avec leurs proprietéz: Et premierement Aries est chaud & sec de nature de feu: il gouuerne la teste & la face de l'homme, lequel est bon pour saigner quant la Lune y est, fors en la partie qu'elle domine.

Taurus, est froid & sec de nature de terre: gouuerne le col, l'epiglet, mauuais à faire seignees.

Gemini, est chaud & humide, de nature de l'air, gouuerne les espaules, les bras, & les mains, mauuais pour saigner.

Cancer est froid, & humide, de nature d'eau: gouuerne la poitrine, l'estomach & les poulmons, indifferent, c'est à dire ny trop bon ny trop mauuais, pour saigner.

Leo, est chaud & sec, de nature de feu. gouuerne le dos & les costes, est mauuais pour saigner.

Virgo, est froid & sec, de nature de terre: gouuerne le ventre & les entrailles, ny fort bon ny fort mauuais pour saigner.

Libra, est chaud & humide de nature de l'air, gouuerne le nombril, les reins, & la basse partie du ventre, bon pour saigner.

Scorpio, est froid & humide, de nature d'eau: gouuerne les parties genitales, n'est bon ny mauuais pour saigner.

Sagittarius est chaud & sec, de nature de feu: gouuerne les cuisses, est bon

Parties
sur les-
quelles les
signes do-
minēt en-
semble leur
propiété
touchāt la
saignee.

pour faire saignée.

Aquarius est chaud & humide, de Nature de l'air, gouuerne les iambes, n'est bon ny mauuais pour faire saignée.

Pisces, est froid & humide de nature d'eau, gouuerne les pieds, n'est ny bon ny mauuais à faire saignée.

Aries, Libra & Sagittarius, sont tresbons: Cancer, Virgo, Scorpio, Aquarius & Pisces sont indifferents.

Taurus, Gemini, Leo, & Capricornus, sont mauuais.

Difons encore que la Lune estant en Trine, ou Sextil, avecque Venus, fait bon purger la colere par electuaire: avec le Soleil, le phlegme par breuage: avecque Jupiter, la melancholie par pillules.













Outre plus il faut noter que chacun des signes est diuisé en trente degrez, de quoy s'ensuit qu'en tout le Zodiac sont trois cens soixante degrez, & de

rechef chaque degré est diuisé en soixante minutes, & chaque minute en soixante secondes, & chaque seconde en soixante tierces, & ainsi suiuant le reste iusques à dix.

Dauantage, faut considerer que quand nous auons le plus grand iour de l'Este, c'est à sçauoir, le Soleil estant au commencement de Cancer, lors se leuent de iour six signes, qui se leuent droitement, & de nuit six signes obliquement: & au contraire, quand nous auons le moindre iour de l'an, c'est à sçauoir, estant le Soleil au commencement de Capricorne, alors six signes se leuēt de iour obliquemēt, & les six de nuit droitement. Mais quand le Soleil est en l'un ou en l'autre des poincts equinoctiaux, lors de iour se leuent trois signes droicts, & trois obliques; & de nuit semblablement: car il y a vne reigle, que soit le iour ou

Leuer &
coucher
des signes

la nuit tant briefue ou longue qu'on vouldra, fix signes se leuent de iour, & autres fix signes de nuit. Tellement que pour la prolixité, ou briefueté du iour, ou de la nuit, ne se leuent point plus ou moins de signes: lesquels pour cognoistre, faut remarquer les caracteres suiuians, ainsi que les Astrologues les marquent.

Aries, en tel signe, 
 Taurus, en tel signe, 
 Gemini, en tel signe, 
 Cancer, en tel signe, 
 Leo, en tel signe, 
 Virgo, en tel signe, 
 Libra, en tel signe, 
 Scorpio, en tel signe, 
 Sagittarius, en tel signe, 
 Capricornus, en tel signe, 
 Aquarius, en tel signe, 
 Pisces, en tel signe, 

Et cecy suffise pour la declaration

des douze signes. Venons maintenāt
aux sept Planetes, desquelles nous en
ferions icy vne table ou figure, mais
d'autant qu'auons renuoyé le Lecteur
aux Ephemerides, touchant les signes,
nous en ferons autant des Planetes:
nous contentant seulement d'en mar-
quer les caracteres en ce lieu, pour
plus facile intelligence d'iceux, ensem-
ble leur different. Or voicy comme
les Astrologues les marquent.

Saturne, en tel signe, ♄

Iupiter, en tel signe, ♃

Mars, en tel signe, ♂

Sol, en tel signe, ☉

Venus, en tel signe, ♀

Mercure, en tel signe, ☿

Lune, en tel signe, ☾

S'ensuit le differend des sept Plane-
tes, tant pour purger, saigner, que faire
autres operations sur le corps hu-
main.

Tresbons,

♄, ☿.

Indifferens,

☉, ☿, ♀.

Mauuais,

♂, ♀.

Et faut noter que lors que Mercure est avec vne bonne Planete, il augmente sa bonté, & avec vne mauuaise sa malice: c'est pourquoy on doit prendre garde que lorsqu'on est bleffé, que Mercure ne soit conioinct avec quelque mauuaise Planete, qui domine la partie bleffée, & lors faut que le Chirurgien combatte les Astres. Et ainsi on doit obseruer ces choses, mais plus singulierement à la saignée: afin que n'ayant rien fait mal à propos, par nostre negligēce, nous ayos moyen de louer & remercier l'auteur de toutes choses, auquel Pere, Fils, & saint Esprit, soit honneur & gloire és siècles des siècles. Amen.

Le Chirurgien
doit combattre les
Astres.

Qu'il est necessaire que le Chirurgien aye la figure Astronomique en son cabinet, ou bien en sa boutique: & du profit qui en reuient tant pour les maladies que pour ceux qui les traictent, ce qui est prouué par vne histoire, & autres exemples, ensemble qu'il est meilleur de conseruer & modifier le sang, que de l'euacuer: avec la description de deux admirables remedes pour cet effect.

CHAPITRE V.

JE desirerois à bon droict, tant pour le profit de ceux qui cherchent secours au remede de la Phlebotomie; que pour le contentement spirituel de ceux qui l'exercent, (afin que le tout fut à l'honneur & gloire de Dieu) que chacun Chirurgien

Bon desir de l'Auteur.

gien eut dans sa boutique la figure Astronomique, comme iadis les anciens, lesquels auoient recours à icelle lors qu'ils vouloient sçauoir la domination de l'Astre à la partie sur laquelle ils desiroient operer: obseruât de tout leur pouuoir le leuer & coucher desdits signes, & leurs constellations: tellement que les anciens n'ont trouué cela estre inutile; dequoy entre plusieurs d'iceux Arnaud de Villeneufue m'en sera tresfidele tesmoin. D'ocques ie prierray derechef de tout mon cœur le Chirurgiẽ vouloir prendre garde à cecy, & de ne plus mettre en auant que leur art est sujet à calomie, veu que ce sont eux-mesmes qui sont cause que leur Art est ainsi calomnié, attendu qu'ils mesprisent ce qui est tresnecessaire de cognoistre en leur professio, à sçauoir l'Astronomie, d'autant que n'ayant la cognoissance d'icelle, il en arriue des acci-

L'ignorance
de l'A-
strono-
mie cause
de grands
ma-

denstresmauuais:tellement que le vulgaire, ignorant la cause d'iceux, calomnie & mesdit à toute outrâce des Chirurgiens, ensemble de leur art si admirable. Voila comment il est vilipendé & mis à mespris par des ignorans, & le tout à cause du peu de soing que les Chirurgiens ont de le bien obseruer. Or pour monstrier que la cognoissance des Astres est tresnecessaire au Chirurgien, ie rapporteray icy vne histoire qui pourra seruir d'exemple à ceux qui la sçauront bien mettre en vusage.

Aduint à Chastellerault qu'un Chirurgien ayant saigné vne fille au bras dextre, au temps que la Lune passoit sous le signe des Gemeaux: il luy suruint le lendemain de la saignée environ midy, vne grande defluxion causant inflammation avec vne fiebure: à l'heure mesmes ceste

*Histoire
remarqua
ble.*

filles se vint plaindre au Chirurgien, disant qu'on l'auoit gastee, & qu'on luy auoit picqué le nerf, que cela la rendroit estropiee, vsant d'iniures contre celuy qui l'auoit saignée : on l'appaisa du mieux qu'on peut, luy promettant que cela ne seroit rien, & qu'en brief elle seroit guerie : luy appliquant au mesme instant vn cataplasme, continuant cataplasme sur cataplasme, faisant reuulsion par la saignée, mais l'on ne sceut tant faire, que le bras ne vint extrêmement enflé, voire en danger de sa personne ; tellement qu'en peu de temps cela se sceut par toute la ville, & voila mon pauvre Chirurgien disgracié de pouuoir iamais estre receu en aucune maison pour quelque affaire que ce fust, tant le monde de present est scrupuleux, ignorant les choses comme elles peuuent aduenir. Quoy voyant, il se resolut de bastir vne excu-

ze raisonnable pour deffendre sa renommée, & maintenir son innocēce: ce qu'il fit lors qu'il y auoit vne tres-belle compagnie en la maison de ladite malade, ses raisons estoiet telles, sçauoir qu'icelle estoit sur le poinct de ses mois, & que le corps estoit cacochime & plein d'humeur; dauantage, qu'au mesme instant qu'elle fut saignée elle ayda à lauer la lexiue, semblablement à faire la besoigne de la maison, & autres choses qui peuuent exciter defluxion, & attractiō en la partie, la saignée ayant précédé: car si c'estoit que i'eusse picqué (disoit-il) le nerf, ou le tēdon, les accidents eussent apparū au mesme instant, comme conuulsion, spasme, grande douleur à la partie, difficulté de l'action, ce qui n'est pas aduenu: tellement, disoit il, que par là l'on peut iuger qu'il n'y a point de ma faulte. Mais ce fut tout au contraire, car les

Aux pur-
gations lu-
naires ne
faut ou-
vrir les
veines du
bras.

raisons furent pour le combattre, luy alleguant que puis qu'elle estoit sur le point de ses purgatiōs qu'il ne deuoit pas estre si temeraire de luy ouurir la veine du bras, mais plustost la saphene à celle fin de les prouoquer: & ainsi des autres raisons qui le rendirent muet, confessant quasi par son silence qu'il y auoit de sa faute. Mais s'il eut sceu repartir touchant la science astronomique, il eut esté escouté attentiuement, attendu que cela ne leur estoit pas vulgaire: toutefois continuant à penser la fille, elle fut guarie dans trois sepmaines: non pas sans auoir enduré beaucoup de mal.

J'ay voulu raconter ceste histoire (aduenuë en l'an 1613. audit Chastelleraud, dans la boutique d'un Chirurgien nommé Bureau) afin d'induire & stimuler le Chirurgien, à apprendre de tout son pouuoir la constella-

tion des Astres, car autrement il est impossible qu'il vienne à son but proposé touchant la Phlebotomie electiue sans quelque dangereux accident : ce que j'ay veu arriuer par plusieurs fois, mais pour cause de briefueté ie passeray outre.

Neantmoins Guyon de la Nauche parlant de la saignée en son traité de la santé corporelle, dit auoir veu saigner, plusieurs experts, & fameux Chirurgiens de son temps, tant à Paris, Mont-pellier, que autres bonnes villes de France, à la Cour, & aux armées Royales, venir des tumeurs au bras, & autres parties lesquelles on auoit saignées, & beaucoup d'autres mauuais accidents : ce qui n'arriuoit pas ainsi qu'il dit (se flattant) par la faute du malade, retirant ou leuât le bras, de crainte ou d'apprehension, ou pour s'estre couché sur le bras apres la saignée, s'en-

dormant, ou pour auoir trauaillé & exercé le bras. Il se trompe bien grandement, car s'il auoit penetré plus auât il trouueroit que c'est plustost l'ignorance des Phlebotomistes, que la faute des phlebotomez: car d'autant qu'ils ignorent la concurrence des Astres, l'heure, & le temps qu'ils dominant la partie, ils commettent ces lourdes & irreparables fautes. C'est aussi pour responce à ce qu'on pourroit obiecter, que plusieurs malades en mesme téps sont saignez, & neantmoins ils ne se trouuent pas mal. Le dis que si, car s'il ne suruiét pas mal en la partie touchée du ferrement, il suruient d'autres symptomes, comme vomissement, foiblesse, vertigine, delire, alienations, douleurs nocturnes, & quelquefois la mort. Mais (dira quelqu'un) c'est à cause de la grande euacuation du sang, à cela ie responds, que l'experience nous

Accidens
arriuant à
la saignée,
ignorans
les Astres.

fait veoir tous les iours que n'ayant tiré, peut estre, que demy once de sang au patient, qu'il tombe à quelqu'un de ces accidents: ouy, mais (repliquera on) ce qu'il a apprehendé; qui a iamais ouy dire que ce qu'on a premedité peut estre vn iour ou deux auparauant soit capable de nous nuire venât à l'effectuer, nullemét: c'est pourquoy quittons toutes ces bagatelles, & suiuous la verité. Mais (repliquera quelqu'un) la cognoissance des Astres est deffenduë, ensemble leur obseruation; à cela ie respons, qu'à la verité si l'on vouloit croire que les Astres eussent puissance souueraine sur les hommes, on seroit digne de censure, mais on ne trouuera pas en aucun lieu que pour cognoistre & obseruer l'esleuation des Astres personne aye iamais esté blasmé.

Pour conclusion, ie me contenteray d'aduertir le Chirurgien phlebotomi-

Aduertissement de
l'Autheur

ste, d'vser sagement avec raison à l'extraction du sang, car c'est le thresor de la vie; tellement qu'il le faudroit plustost conseruer & mondifier que non pas inconsiderément l'euacuer; attendu que cela abrege nos iours, & est cause de plusieurs autres accidents, comme nous auons dit ailleurs. Mais, diron, à l'heure de necessité quelle raison voudriez vous aller chercher pour l'extraction du sang, comme si vn homme estoit tombé de haut, aux grandes contusions des parties iuternes & externes, ou lors quel'on a receu quelque coup orbe, en la pleuresie, & autres maladies desquelles vous mesmes discourez en vostre heure de necessité: à cela ie respons qu'il est vray, l'en discours pour trois causes qui m'induisent à en discourir de la sorte: la premiere, c'est l'honneur & le respect que ie porte à la doctrine Hipocratique, &

Galenique, pour l'auoir fuccee dès mō ieune aage : La seconde, est que par ce moyen ie veux faire entēdre, ainsi que ie monstreray à vn liuret que ie fay à part, l'affinité & raison concordante qu'il y a entre les liures d'Hippocrate & Galien, avec ceux de Paracelse; ainsi que i'en ay mesme fait vn chapitre entier en ma petite Chirurgie Chimique: Le troisieme est, que le docte Chirurgien en vse selon qu'il cognoistra estre necessaire, car puis qu'il doit suiure en toutes ses operations la nature, il doit regarder de bien près à la maintenir & conseruer, & non pas l'alterer, comme se fait en l'emission du sang, lequel est le thresor de la vie, ainsi que j'ay dit.

Car ie vous prie cōmēt sera il possible que le sang qui est hors de ses vaisseaux respandu en la capacité de quelque partie du corps, voire mesmes meurtry & coagulé audit lieu; puisse

Definitio
e pleure-
e.

rentrer dedans les vaisseaux afin d'estre euacué par la phlebotomie, Par exemple, on la pleuresie, laquelle est vne tumeur faite du sang subtil qui sort de la veine asigos arresté entre la membrane pleura & les muscles mesopluri: en la curation d'icelle on ordonne la saignée, clisteres, sirops, tablettes & autres tels remedes: Or ie demande qu'est ce que la saignée y sert, veu que le sang comme nous auons dit qui est desia hors des veines n'y peut rentrer pour estre euacué par icelle. Je sçay bien qu'on me respondra que ce n'est pas la matiere qui est contenue audit lieu qui entre aux veines pour estre euacuee: mais que c'est afin d'empescher qu'il ne flue dauantage audit lieu: & mesmes aussi que les medicamens donnez par le dedans agissent plus facilement? ô voila vne belle doctrine, pour guerir vne maladie, affoiblir la nature qu'on

deuroit corroborer afin de la rendre plus forte, pour combattre cõtre icelle maladie: Pour guerir la pleuresie on euacue le bon & pur sang qui deuroit estre conseru   pour la manutention des forces du patient: & on laisse l'impur au corps qui deuroit estre ost  .

Je ne veux pas dire pourt  t que la saignee estant faite au c  mencem  nt de la vraye pleuresie ne soit profitable aincois tres necessaire faite bien    propos, mais    malheur, i'en ay veu qu'en tous les temps d'icelle maladie, ne laissoi  nt pas avec vne temerit   trop hardie d'euacuer ce tresor de la vie.

Or afin qu'   ne demeure dau  tage en cest erreur: & que ie ne m'amuse aussi    disputer de ces choses; suivant en cela Gali  , qui a voulu qu'on ne disputast ny d'Apollo ny d'Esculape: mais qu'   s'efforcast    accroistre la doctrine: car ie s  ay qu'   pourroit alleguer d'argum  s

*   metho-
medend.*

sophistiques pour prouuer des fadefes, mais ce seroit à l'endroiect de ceux qui ne s'en scauroient pas garder: seulémēt ie diray qu'Hippocrate a bien sceu dire, que par probables & subtiles fictiōs en Medecine: bien souuent s'en ensuiuent de grandes & lourdes cheutes.

De là voit on la Medecine estre tombée si miserable que d'auoir esté par ses mesmes supposits appelée opinable (ou subiecte à opiniō) & coniecturable; la verité d'icelle n'apparoistre que par subtils arguments: aussi qu'elle est incertaine, c'est ce qui a induit Gal.
616. pra-
cept. com.
2 aph. 2. de
comp me se
eund. loca.
à reprendre Hippocrate, d'auoir dit la Medecine coniecturable: & que tant s'en faut qu'elle soit telle ny opinable, qu'au contraire elle est scientifique.

Tellement qu'un Royaume diuisé contre soy mesmes ne peut subsister: or si les supposits de la Medecine sont diuisez entr'eux, pourra elle subsister?

c'est ce qui a donné occasion au vulgaire de la mespriser en la sorte cōme elle est mesprisée: mais a quelle raison s'assembler sept ou huiet tāt Medecins que Chirurgiēs pour la cōsultatiō d'une maladie, laquelle si elle est cogneue a quoy faire d'opinion sur icelle.

Bref ou la Medecine est veritable ou elle ne l'est point: si veritable ses regles sont certaines. Or est il qu'elle est veritable, pour estre de la creation de Dieu, & que Dieu & la nature ne font rien en vain: ils'en suit donc qu'elle a preceptes veritables. Ce qu'Hippocrate a senty encore qu'il fust Ethnique: en ce qu'il a dit le Medecin philosophe estre semblable à Dieu: or ne le peut il estre qu'il ne suiue verité.

*lib. de deo
tionat.*

C'est celle que ie desire suiure en cuitāt de tout mon pouuoir, le sophisme qui ōr seules causes de nourrir le mēsōge.

duquel à mon grand regret nostre Chirurgie est trop plaine. Or pour ne tenir le lecteur comme i'ay dit cy deuant en telle erreur: ie luy donne deux remedes pour toutes fortes de contusions, coups orbes, meurtrisseures, eschimoses, sang caillé dans le corps, à cause de la cheute de quelque lieu haut; lesquels par le moyen de ces deux remedes empruntez du grand Paracelse; on verra vn grandissime effect sans courir à la Phlebotomie, comme plusieurs font suiuant l'erreur ordinaire: on s'en pourra seruir à son grand honneur, à l'vtilité du patient & à la gloire de Dieu.

De ces deux remedes l'vn se peut prédre par le de dans lors que l'on doute qu'il y aye quelque quantité de sang respandu & caillé en quelque partie interne du corps: l'autre s'applique exterieurement lors que l'eschimose ap-

paroît au sens de la veüe : & tous deux ensemble peuuent seruir comme en la pleuresie, empieme & tels autres: ainsi que ie reserue à dire au liure cy dessus promis, moyennant l'ayde de Dieu. Venons maintenant à la description de ces deux remedes qui sont tels qui s'ensuiuent.

Remede pour les parties externes.

Pr. fleurs de bouillon blanc, m. j. fleurs de mille pertuis, m. .iij. racine d'asclepias, m. ℥. mumie, ʒ. j. huile d'oliue fresche ℥. ij. therebentine, ℥. j. vin rouge, ℥. ij. Il faut faire cuire ensemble à petit feu l'espace de cinq heures, puis apres faut mettre le tout au Soleil en vn vaisseau de verre bien bouché, & l'y laisser l'espace d'un mois ou six semaines, puis faut couler le tout par vn drap, & presser biē le marc: & vous aurez vne huile incōparable pour l'effect susdit;

laquelle tu garderas diligemment pour en oindre le mal le soir & le matin.

Remede propre pour les parties internes.

Pr. bonne Rhabarbe ʒ. ij. mumie, ʒ. ʒ. laque rouge, sperme de balaine añ. ʒ. j. bol d'armenie & terre fellee añ. ʒ. ʒ. racine d'asclepias ʒ. iij. il faut reduire le tout en poudre, de laquelle on donne le poids d'une dragme avec eau de fleur de tillot, ou autre semblable: Car elle est tres-bonne pour oster l'eschimosse, tant dedans le corps que dehors. Il n'est ia besoin de discourir dauantage de ces remedes: d'autant que ce n'est point mon intention en ce lieu; car ien n'ay apporté ces deux icy, que pour monstrier que l'on peut guerir ces especes de maladies, & plusieurs autres sans auoir recours à la Phlebotomie: desquels remedes le docte Chirurgien se sçaura seruir selon qu'il ver-

ra estre besoin: & en inuenter d'autres, ainsi que la necessité le requerra. Sur tout ie prie ceux qui liront ce petit traicté de ne le mespriser point: attendu que ie n'ay pas mis la main à la plume pour enseigner, mais pour donner aduis & conseil tres-salutaire pour les malades; & tres-necessaire pour l'augmentation de l'honneur, où les vrayes Chirurgiens aspirent, qui plus est pour les stimuler a mieux faire, comme i'ay dit ailleurs, afin que faisant & poursuivant de mieux en mieux, nous puissions aller au ciel avec Dieu, auquel pere & fils & S.Esprit, soit honneur & gloire és siecles des siecles. Amen.

Des veines saignables pour plusieurs infirmités qui surviennent au corps humain: ensemble de l'usage & utilité des ventouses avec scarification, & sans scarification: ce qu'il faut observer pour cet effect, & finalement des Sang-suës.

CHAPITRE VI.

ENcor qu'ainsi soit qu'avec grand raison, j'aye dit cy dessus qu'il n'est besoin de saigner à toutes maladies, & à la vollee sans aucune consideration, ainsi qu'on fait communément, si ne lairray-ie pourtant de descrire le nombre des veines saignables, avec l'utilité de l'ouverture d'icelles, ensemble des vétou-
ses, & Sangsuës: car par ce moyen ie cō-
tenteray & les Galenistes & Paracelsi-

tes; c'est aussi le but où j'ay tousiours visé.

Commençons donc par la veine du milieu du front, qui est entre les deux sourcils dite vulgairement, *recta sine preparata*: son appertion est bonne contre les infirmités antiques, aux vlcères turpia, lepre, scabie, morphee, inpetigine, aux maladies des yeux, aux douleurs antiques & perseuerantes du chef, aux affections du cerueau, à la manie.

Les deux veines des temples, à la migraine, à la grand douleur de la teste & aux maladies diuturnes, opthalmie antique, aux macules nebuleuses, à lachrimation, à l'ascabie des palpebres.

Les veines du petit angle de l'œil, qui faict vn peu d'extuberâce sur l'os iugal; contre les mêmes maladies que celles des temples:

Les veines apres où autour des oreilles qui apparoissent au lieu caue derriere icelles , au lieu ou si mettez le doigt sentirez pulsation: pour la migraine, les catharres antiques, la tigne, pour reparer la memoire, aux vlcères des oreilles & du col, mondification du visage, à douleur & fluxion des dêts, aux douleurs, exitures & vlcères de la teste.

La veine qui est entre les deux cartilages du nez, à la phrenesie, aux fieures acutes, aux douleurs antiques de la teste, à la rougeur antique de la face, à la turbation des yeux lepitudines, à la pesanteur de la teste, hemorrhoides, au prurit du nez, & aux apostemes d'iceluy.

Les veines de dessous la langue dites ranulles, aux apostemes de la gorge & de la bouche, à l'esquinance, (faut saigner premierement la cephalique,)
à la

à la grauité de la langue, à l'apoplexie, à toutes douleurs de dents, à la douleur & vice des genciues, aux catharres, & autres defluctions de la teste; à la toux, aux pannes du visage; & aux passions des machoires.

La veine d'entre le menton & la leure inferieure, a la puanteur de la bouche, a la corrosion, ruptures, & fixures des genciues, aux vlceres mauuaises du nez, au visage mauuais a voir, aux douleurs des mammelles, a la douleur de la teste.

Les veines du col, vne a dextre, & l'autre a fenestre, dites iugulaires, a impetigo, serpigo, noli me tangere, au Cancer corrosif, aux tumeurs des genciues, a l'esquinace, a l'asthme, a la voix rauque, aux apostemes des poulmons, a la passion de la ratte, a la douleur des parties laterales.

La cephalique, qu'on appelle hume-

rale , cubitale , entre le pouce & l'index: on l'incise sans aucun peril , en la superieure partie au reply du bras, cōtre les infirmittez de l'estomach , aux fiebures à la main.

La mediane, au milieu du reply du bras , entre la cephalique & la basilique, communément dite noire & veine du cœur ; à l'euacuation de toutes les humeurs , aux maladies de tout le corps, principalement à celles du cœur: remet l'appetit . à toutes les passions de l'estomach, du foye, de la ratte, des poulmons, de la poictrine & de tout le corps.

La basilique dite la grande du foye epatique interne; à la ratte, à la poictrine, poulmons, estomach, foye, cholere abondante, & à la chaleur du foye, à la douleur des dents, du dos, des costez, des parties laterales, & de tous les membres; à l'hemorrhagie du nez, au prurit

& demangement du cuir, aux fiebures.

La saluatelle ditte splenetique, entre l'auriculaire & le medicus, autrement dit anulaire, declinant vers iceluy ; son ouuerture, notammēt celle de la main droicte, vaut aux affections & oppilations du foye, & celle de la main fenestre, aux oppilations de la ratte: bres l'vne où l'autre valent à la douleur innaturelle du cœur, ictericie, à toutes fieures, à l'obstruction du thorax, à la couleur iaune qui vient aux yeux.

L'Apoplectique qui est a la flechifseure du genoüil, à la prouocation des menstruës, aux douleurs de l'anús, aux affections des lumbes, à la prouocation des hemorrhoides, aux douleurs de la vessie, aux passions des testicules, à l'infirmité des pieds, a toutes maladies des articulations.

L'ilchiadique, ou sciatique, sous la maleole exterieure du pied, ou à l'en-

touricelle, aux douleurs de l'ischium, podagre, elephantie, varices, aux douleurs de la vessie, disurie, à la difficulté d'urine, aux vlceres & tumeurs des testicules, aux vlceres & tumeurs des roignons, & autres maux.

La saphene, sous le malcole, interieure du pied, mesmes la trāsuerlant quelque fois: a toutes les passions de la matrice, a toutes les affections des testicules, scabie antique, & phlegme salé, du coxis, & tibia: prouoque puissamment les menstruës, & les hemorrhoides, à la purgation de l'vterus, apres l'enfantement, oste la sterilité, a l'affection de la verge, pour la deriuation du sang de la matrice, verge, & testicules.

La veine du tarxe, apparoissante, & finissant vers le pouce du pied: aux vices de la vessie, aux macules de la face, ophtalmie, à la rougeur des yeux, à lipitudine, au cancer, aux varices du ti-

bia, & aux maladies de la saphene.

La veine du milieu du pied : aux vices des roignons, à la grauité & lassitude des membres, apoplexie, paralysie & epilepsie.

Des ventouses, & leur utilité en general.

Vn chacun sçait bien que c'est que ventouses, elles sont ordonnées à appliquer, où la saignée ne peut estre faite: les vnes sont avec scarifications, & les autres non; celles qu'on scarifie est pour faire euacuation d'une matiere coniointe en vne partie; & la seiche pour faire attraction: elles sont aussi appliquees pour faire reuulsion & deriuatiō en quelque partie: comme pour la defluxiō qui se fait aux yeux on les applique sur les espaules, pour le flux du sang du nez on les applique aux hypochondres.

Intentiōs
pour les-
quelles
on appli-
que les vē-
touses.

Dauantage appliquees sans scarificatiō sont bonnes à diuertir les apostemes

des membres nobles, aux ignobles, a attirer la chaleur a vn membre debilité par le froid.

A la colique, appliquees sur l'ymbilic, ou deffous, a ceder les douleurs, pour attirer du centre a la circonferen-
ce.

A euacuer les flatus, & ventofitez, a arrester les hemorrhoides, a reduire les membres en leur lieu.

A la douleur de la matrice, mises sur l'ymbilic, la partie estant bien chaude.

Au flux immoderé des menstres appliquees vers la regio des mammelles au mesme temps.

Au flux du nez, ainsi que nous auons dit, appliquez sur le foye, si c'est la narine dextre qui saigne, si la fenestre sur la region de la ratte.

Pour attirer les apostemes pestiferées de la partie interieure, & aux bubons veneriens.

A diuertir le sang qui flue immoderément en vn lieu.

A arrester les fluxions de l'estomach.

Pour attirer le venin: & a la froideur du ventricule.

Or en l'usage d'icelles il faut considerer quatre choses; sçauoir est, la matiere, le moyen de les appliquer, les temps, les intentions, & les parties.

4. choses
cōsidera-
bles en
l'usage des
vèrouses.

En la matiere il faut regarder trois choses: la substance qui est ou de corne, ou de verre, metal, ou terre: la quantité qui est grande, moyenne, ou petite: la figure qui est circulaire ou oblongue comme les cornets.

Le moyen de les appliquer est avec que feu ou sans feu, & ce avec scarifications ou sans scarifications (comme nous auons dit) profondes ou superficielles.

Le temps de l'application est ou nécessaire, ce qu'estant, il ne faut rien res-

pecter; ou electif, & pour lors il faut prendre garde que ce soit avec le regime necessaire propose par Guidon.

Touchant les intentions, nous en auons assez parle cy dessus.

Neantmoins il faut noter que l'attraction des ventouses ne depend pas d'aucune faculté naturelle d'icelles, ny d'aucune similitude: mais d'une vertu accidentaire qui est pour empescher le vuide. Ceste attraction se fait quand le feu par faute de vëtillation s'estouffant degenerate en air, & occupe moins de place que quãd il estoit feu, car cõme disent les Philosophes, vne petite partie d'air, en produit dix de feu, & par contrarieté dix de feu se tournent en vne d'air, tellement que la nature pour remplacer le feu, attire la chair, les esprits, & les humeurs en sa place.

Finalemēt les parties sur lesquelles l'õ applique les vëtoufes sont les espaules,

le col, l'occiput, les hipocondres, les reins, l'estomach, la matrice, les cuisses, les fesses; ce que pour plus d'intelligence nous deduiròs plus distinctement en suite, ensemble des maladies auxquelles elles profitent.

De leur usage par lieux & parties, tant avec scarificatiõ, que sans scarificatiõ.

Premieremēt les vêtouses appliquees sur le chef sòt fort còmodes à l'amētie, scotomie, canicie, à l'escabie, & boutòs des yeux, & aux maladies de la nuque: mais elles incòmodent l'intellect & la memoire, d'autant qu'elles stupefient.

Apliquees sur le fròt sont fort còmodes à la douleur posterieure de la teste, à la grauité & tumeur d'icelle, à l'affectiõ du cerueau, à la manie, & insanie, aux infirmittez antiques de la face, impetigine, vlceres, lepre, scabie, morphee, à toutes les maladies des yeux & vertigine:

mais elles incommodent la raison & l'intellect.

Appliquees sur le menton , sont fort cômodes aux pustules & tumeurs de la bouche, aux maladies des dents, & des genciues , aux macules & vices de la face, au goitre , aux maladies des maschoires.

Appliquees entre le col & les espaulles, sont fort commodes aux maladies de la face, du col, des dents, des narines, des yeux, a la mauuaise puanteur de la bouche, impetigine, squinance , ayant premierement ouuert la cephalique, ou mediane: mais elles incommodent la memoire, & font trembler la teste.

Appliquees entre les espaulles en la partie directe du cœur , & de l'estomach , sont fort commodes aux affections de la poictrine, aux maladies du col, a l'eschine, au spasme, a la tremeur & tremblement du cœur , & au sang

de la gorge : mais elles incommodent l'estomach & le cœur, lequel en sa tremour n'excite point le sang.

Sur la poitrine aux vices d'icelle, & a l'asthme, en la region du foye pour l'inflammation d'iceluy, au dos, contre les douleurs qui luy arriuent.

Sur l'estomach vallent aux tumeurs d'iceluy, & lors qu'il est refroidy, & aux humeurs & vices d'iceluy.

Appliquees sur les mains vallent contre tous les vices de la teste, des yeux & oreilles.

Appliquees aux reins vallent contre les apostemes du coxis, scabie, hemorroides, podagre, elephantie; au prurit du dos, & scabie, aux ventositez & froideurs d'iceluy, & autres vices; aux vêts de la vessie.

Appliquees sur l'vmbilic, valent contre les maladies de la matrice & colique.

Sur les hypocondres pour reuoquer le sang impetueux des nerrines ; & au sang coullant immoderément de l'uterus.

Aux lumbes pour arrester les hemorrhoides, pour ceder la douleur du dos, de la matrice, & des lumbes pour reprimer le trop grand desir de Venus, aguerir l'escabie & apostemes du dedans des cuisses.

Sur les nattes ou fesses à la modification du sang ; à la cure des menstrues blanches ; pour les douleurs des parties laterales & lumbes du thorax.

En l'antérieure partie du coxis, aux apostemes des testicules, aux exitures des costez & du coxis.

En la partie postérieure du coxis : aux apostemes & exitures des nattes ou fesses.

Aux dessous du repley du genouil, à la pulsation du poplitis, causee par hu-

meur chaude, aux vlceres & exitures des pieds.

Appliquees sur les parties crurales, sont commodes à tout le corps, à la tumefacti^on des fesses, & apostemes d'icelles, aux douleurs des reins, & de la vessie, à la fluxion des yeux, aux affections de la teste, aux apostemes chaudes & pulsatilles des genouils, aux maladies du thorax, affections du dos, aux apostemes des testicules, aux playes & vlceres du coxis, & des parties hôteuses, mesmes aux douleurs antiques de la matrice, pour purger la matrice de ses superfluitez: à l'aposteme, & exiture des mains, à prouoquer les hemorrhoides, & les menstrues, à la sciatique, podagre & vertigine.

L'aurois beaucoup de choses à dire sur l'vtilité des vêtouses, mais ie m'en deporté à cause de briefueté, pour dire de leur obseruation.

*Ce qu'il faut observer auant qu'appli-
quer les ventouses.*

Les mieux versez és reigles & ob-
servations astrologiques, & medici-
nalles ; sont d'aduis qu'il faut appli-
quer les ventouses & cornets, aux
phlegmatiques quand la Lune est en
Aries, ou Sagitarius, aux coleriques
quand elle est en Cancer, Scorpio ou
Pisces, aux melancholiques, icelle se
trouuant en Gemini, Libra, ou Aqua-
rius : faut noter neantmoins de ne
scarifier la partie lors que la Lune se
rencontre avec le signe qui la domine :
& generalement de ne ventouser &
corner personne quand elle est au
signe du Lion. Bien est vray qu'il y a
des cornets qui s'appliquent en tout
temps, mais c'est sans feu & sans chan-
delle.

Il faut aussi noter qu'on ne doit sca-

Obserua-
tion tou-
chant les
ventouses

rifier deuant l'aage de quatre ans, ny apres les soixante, aussi doit on euiter la pleine & nouuelle Lune.

Les scarifications se peuuent faire commodément a la seconde ou tierce heure du iour, vne heure deuant manger & boire.

Le lieu ou on doit appliquer les ventouses doit estre fomenté avec eau tie-de, ou faire frictions par vne ou demy heure avec linge chaud, principalement a ceux qu'on iugera auoir le sang gros, ou que ce fut en Hyuer.

D'auantage, il ne les faut appliquer auant qu'on aye euacué le corps, ny en pletore elles ne conuiennent pas, ny en aucune partie affligée de phlegmō: au reste le sage Chirurgien se dispensera de ces reigles selon la violence de la maladie: la necessité dérogeāt à toutes les loix.

S'ensuit des Sangsues.

Il n'est si gros lourdaud qui ne sçache que c'est que Sang-sues, on les applique ordinairement où les ventouses ne peuvent auoir lieu, comme au nez, aux leures, genciues, aux doigts, au membre viril, aux hemorroides, à l'entree de la vulue, & autres lieux. On les doit choisir qu'elles soiēt nourries de bōnes eaux, claires & courantes, qui ont des rayes iaunes au dos, & non celles des marefts & mauuaises eaux, & qui sont de couleur horrible, qui ont grosse teste, d'autant que celles là sont venimeuses: Il ne les faut appliquer estant fraischement prinſes, ains les garder vn iour entier en eau nette, afin qu'elles vomissent ce qu'elles ont dans le ventre: Il est bon les laisser trois ou quatre heures sans eau, auāt que les appliquer, elles en sont apres plus

Gai. trait.
té 7. doc.
1. chap. 1.


Oribas. li.
1. chap. 15

gourmandes. Il faut lauer le lieu où on les applique, avec eau tiede, & l'essuyer & frotter avec vn linge iusques à ce qu'il soit rouge, horsmis aux lieux où il y a grand douleur, puis ayant fait vne legere scarification à chaque endroit où on veut appliquer la Sang-sue, on y mettra vne goutte de sang de poulet, puis appliquer la Sang-sue, la tenant avec vn linge blanc & net, car le plus souuent ne veulent mordre les maniât avec les mains: ayât assez tiré elle tombent d'elles mesmes, autrement chacun sçait le moyē de les faire tomber, & se gouuerner en ces choses: sur tout qu'on prēne garde de ne les appliquer le signe dominant la partie, car il y faut mesme obseruation qu'en la saignée & ventouses. Je prie à l'autheur de toutes choses que tous ceux qui liront ce petit traicté, en puissent faire leur pro-

fit au quel Pere & Fils & saint Esprit,
soit honneur & gloire eternellement
es siecles des siecles. Amen.

Fin du traicté de la Phlebotomie.





BRIEF TRAICTE

O V DISCOVRS

des Crises.

*Où il est monstre comme l'on s'abuse au
iugement d'icelles, ne cognoissant
les mouuemens des Astres.*

DI E v le createur, selon sa bon-
té, clemence, & sapience in-
estimable, à mis en la Nature
des choses, des mouuemens bien rei-
glez & bien ordonnez; tellement qu'il
n'a voulu qu'aucune chose se meust
temerairement & fortuitement, ains
que tout allast par bon ordre, & par
vne suite cōtinuelle; & ainsi les Astres,
les Elemens, l'Océan, les saisons de
l'année, & les sphaeres des cieux, ont

Tout e
choses
ont vn
moue-
ment rei-
glé.

Les hu-
meurs ont
vn cours
limité.

Diuision
du Soleil
en sa ron-
deur.

leurs mouuemens & vicissitudes, & font leurs courses du tout reguliere-ment. Semblablement les humeurs qui sont au corps humain ont leurs effects & leurs propres mouuemens & certains periodes: de sorte que par chacune des quatre saisons de l'annee chaque humeur sert à son tour, & exerce ses forces & facultez enuers le corps: tellement que le voyage du soleil en sa rondeur est diuisé en quatre, appelez quarres du ciel, representant les quatre Elemens & saisons de l'annee, ensemble les quatre parties du iour: d'où resulte qu'il y a vne certaine sympathie tant avec les quatre quarres de la Lune, & les Elemens, & les quatre saisons, & les quatre humeurs, & les quatre parties du iour; voire mesmes ie diray encore avec les quatre vêts, & les quatre aages: voire telle sympathie qu'il est impossible que l'yn estant de praué

que celuy avec qui il sympathise ne s'en ressent.

Or pour plus claire intelligence de cecy, nous dirons que ces quatre quares du ciel representent les quatre elements & saisons de l'annee, sçauoir depuis soleil leuât iusques à midy la premiere: de midy au couchant la seconde: de couchant à mynuiet la troisieme: & de luy au leuant la quatriesme. Si que le soleil estant en la premiere quadrature avec les estoilles fixes en icelles, lors se fait le Printemps representé par l'air: & en la seconde, l'Esté representé par le ciel, ou feu: & en la tierce fait l'Automne, representé par la terre: & finalement en la quarte, il fait l'Hyuer representé par l'eau. Dauantage, nous voyons la symbolisation du Printemps à l'air & au sang & à la ieunesse: de l'Esté au feu, à la colere, & à l'aage viril: l'Automne à la terre, & à la

Diuision
des saisons
avec les elements.

melancholie: par consequent premiere vieillesse: en fin la quarte est de l'Hyuer, à l'eau, à la pituite, & à l'aage de crepit.

Diuision
du iour
pour les
elemēts &
pour les
humeurs
du corps

Ceste mesme diuision est au temps que le Soleil circuit la terre, qui fait vn iour diuisé en quatre parties; la premiere est, depuis trois heures du matin iusques à neuf, pour l'air & Printemps & le sang: & depuis les neuf du matin iusques à trois du soir, pour le feu & l'Esté, & la colere: & de la iusques à neuf, pour la terre, & l'Automne, & pour la melancholie: & poursuuiuant depuis les neuf iusques aux trois du matin, & pour l'eau, & l'Hyuer, & la pituite. Et aduenant que l'vn d'iceux elemens soit depraué ou mal affecté en l'homme, ou qu'il y ait maladie de sa condition ou degré, infailliblement elle se fera sentir en son temps ainsi ordonné.

Or il est impossible que ces humeurs symbolisant ainsi avec le ciel & les elements puissent demeurer sans alteratiō, veu que les Astres y font sentir leurs effects comme nous auons dit ailleurs: c'est pourquoy nous voyons que le sang à telle force & propriété, que le Printemps venu il est en vigueur. & engendre des maladies & fiebures de sa nature: à sçauoir continuës qui ne donnent aucune tréue ny relasche. lesquelles maladies sont causees par la deprauation des trois signes qui dominent ladite humeur: tels sont Gemini, Libra, Aquarius: & la guerison d'icelles se doit faire és signes contraires, qui sont Taurus, Virgo, Capricornus. De mesmes la colere en Esté faisant son cours & recours, par iours alternatifs cause la fiebure tierce, & ce par la deprauation des trois signes qui ont esgard sur icelle humeur, sçauoir Leo,

Maladies
frites par
les signes,
gueries
par oppo-
sition de
contraires
signes.

Aries, Sagitarius ; lesquelles maladies sont gueries par oppositiō de contraire signe, comme Cancer, Scorpio, Pisces. Apres le flegme en Hyuer lors qu'il est putresié , engendre la quotidienne intermittente ; faite aussi à cause des trois signes qui dominant sur icelle humeur, tels sont Cancer, Scorpio, Pisces ; & icelles se guerissent de mesmes que les autres : & cela se fera par l'observation d'Aries, Leo, Sagitarius. Finalement la melancholie au commencement de l'Automne, suscite la quarte, causee aussi par le regard des signes qui dominant sur icelle humeur : tels sont Taurus, Virgo, Capricornus, & la guerison d'icelles se treuve à la cōcurrence de ces trois, Gemini, Libra, Aquarius. Ainsi l'Ephemere ou iournaliere se finist en vn iour ou peu apres, pour
 En quoy
 consulte
 l'ephemere.
 re. autant qu'elle ne consiste en putrefaction d'humeurs, ains seulement en vn

esprit exalatif enflammé. Toutes lesquelles choses se font par mesme raison, par mesme ordre, & mesme maniere, que se fait le leuer & coucher du Soleil, la reciprocation & reflux de l'Océan, & la plaisante vicissitude des herbes & arbrisseaux qui portent semences & fruiçts. Tellement que si l'on prend bien garde à cecy, facilement on obseruera que presque au mesme temps que les humeurs sont forcees par les Astres, elles demonstrent les accès de la fiebure : non pas comme ont voulu dire quelques vns, alleguât que lors que lesdites humeurs fût chacune à leur tour leur office, viennent les accès de fiebure, puis quand l'espace est complet de chacune des heures qui seruent aux humeurs (pourueu qu'elles soient pures & non entremeslees les vnes parmy les autres) alors ils finissent & cessent. Or ie dy que ces rai-

Les accès des fieures comment ils apparoiſſent.

sons ne sont receuables; mais bien plus à propos, & avec plus de verité, que les accès des fiebres apparoissent lors que l'Astre qui domine l'humeur, cōcourt

Raison
considerez.

2.

sur icelle: c'est pourquoy nous voyons l'accès retrograder, ou anticiper tout ainsi cōme l'Astre se rend retrogradé ou direct. Tellement que l'on deuroit à bon droict considerer de plus pres au iugement des maladies, ce destructeur de l'homme petit mōde, lequel est contrainct souffrir mutation de quatre en quatre iours que le vulgaire appelle Crise; qui se fait par flux de vêtre, de sang, vomissement, ou sueur, excitez & esmeus par le cours Lunaire aux poincts du zodiac.

Or parce qu'en ce lieu i'ay deliberé de parler succinctement des Crises, & comment il faut obseruer les iours critiques, par la concurrence des Astres; nous dirons premierement que c'est

que Crise, car de necessité la maladie quitte tout à coup par Crise, ou petit à petit par solution. Or Crise est vn soudain changement de la maladie à la santé ou à la mort ; qui se fait lors que nature separe les mauuais humeurs des bonnes pour les chasser dehors. Il y en a de deux sortes, l'vne parfaite & l'autre imparfaite. L'imparfaicte est celle par laquelle la matiere n'est du tout pousse hors le corps, mais est euacuee des parties nobles aux ignobles: & des parties interieures aux exterieures. L'autre est ditte parfaite par laquelle nature comme maistresse & dame gouuernante le corps, reiette du tout la matiere hors iceluy : & cecy se fait par vomissement, ou par flux de sang des narines, ou par les menstruës, ou par les hemorroides, ou par les sueurs, comme nous auons dit cy dessus.

Defini
tion des
Crise.

Deux
sortes de
Crises.

Belle si-
militude
Auicē-
touchāt
s Crises.

Auicēne a extrememēt bōne grace
 „ touchāt la Crise, quād il dit, Quē Cri-
 „ sen'est autre chose que le debat &
 „ querelle de deux personnes plaidāt
 „ l'vn cōtre l'autre, par voye ciuile: car
 „ tout ainfi, dit-il, qu'ē vn procēs ciuil
 „ cōcurrēt quatre sortes de personnes,
 „ sçauoir celuy qui accuse, & celuy qui
 „ est accusé, les tesmoins & le Iuge:
 „ de mesmes en la Crise concurrēt ces
 „ quatre aussi. Premièrement l'accu-
 „ sant, qui est la vertu qui gouerne le
 „ corps; secondement la maladie, qui
 „ est l'accusé, & les tesmoins sont les si-
 „ gnes d'icelle maladie: & le Iuge c'est
 „ le Medecin.
 „ Et tout ainfi que le Iuge ciuil don-
 „ nant sa sentence, l'vne des parties de-
 „ meure triste, & l'autre reste ioyeuse:
 „ ainfi pareillement en la Crise, si les si-
 „ gnes sont mauuais, le Medecin iuge
 „ le patient à mourir, ainfi luy & les

„ parents demeurent tristes: & si les fi-
 „ gnes sont bons, signifians victoire de
 „ de la vertu contre la maladie, le Me-
 „ decin fait iugement & baille sa sen-
 „ tence, que le malade guerira: & par
 „ ainsi luy & les parents demeurent
 „ ioyeux.

20 Il est vray que la plus grande partie
 d'iceux font vn iugement, mais le plus
 souuent de nulle valeur, & ce pour ne
 sçauoir pas discerner ce qui cause ladi-
 te Crise, ou bien pour ne le vouloir ob-
 seruer: car s'ils calculoiēt bien les iours
 critiques ils ne seroient deceuz à pre-
 dire les euēemens, & ne faudroient
 nullement de toucher au but.

21 Il faut noter en ce lieu, qu'ils tien-
 nent que la Crise salutaire arriue ordi-
 nairemēt le 7. 14. ou 20. iour: c'est pour-
 quoy ces iours là sont appelez criti-
 ques. On preuoit la Crise future par
 les signes de coction qui apparoissent

Le com-
 mun iuge-
 ment Cri-
 tique de
 nulle val-
 leur.

le 4. ii. & 17. appelez indicatifs & contemplatifs; car selon Hippocrate le 4. iour est indice du 7. le 8. est le commencement de l'autre semaine: le ii. est aussi remarquable, d'autant qu'il est la 4. de l'autre semaine; le 17. est encore remarquable à raison qu'il est le 4. apres le 14. & le 7. depuis le ii. Quelques vns ne vont pas chercher tant de façons, mais ils tiennent simplement que la Crise a accoustumé de se finir ou le 4. iour, ou le 7. ou bien le 9. & ii. & le 14. iour. Autant d'un costé que d'autre; aussi bons arbalestiers les vns que les autres; car il est tres. veritable que c'est ou plus tost, ou plus tard, rapportant ces iours decisifs à l'effect de la Lune: & ainsi les Astrologues assignent les indices des maladies, quand la Lune se treuve es degrez distante de la quarte part ou de la moitié du zodiac, depuis le vray lieu où elle estoit au commen-

Cómu-
ne opinio
touchant
les Crises
falacieu-
se.

œmēt de la maladie. Mais à cause que son mouuement est plus actif ou plus tardif vne fois qu'autre, aussi quelquefois elle paruiet plus tard, & quelquefois plus tost à tels aspects: que si en vn iour critique la Lune est en sa maison, ou en son exaltation avec Iupiter ou Venus, qui sont planettes benignes & salutaires, cela denotte que le changement sera bon. Et si la maladie consiste en grande affluence d'humeurs, il est bon qu'elle soit de croissant en aspect quartil, ou d'opposition; que si en mesme temps la Lune se conioinct au Soleil, ou à Saturne, c'est mauuais signe, & denotte ou que la maladie sera perilleuse, ou qu'elle sera fort longue. Que si la Lune croissante accōpagne Saturne. précisément au commencement de la maladie, elle denotte ou que la maladie sera fort longue ou mortelle: mais si cela aduiēt lors qu'el.

Opinion
tres-veri-
table tou-
chant les
Crises.

le decroist, c'est signe que la maladie ne durera guieres, & ne sera point perilleuse. Voila pourquoy il ne faut mespriser les signes salutaires & nuisibles des Astres, ains les observer exactement, afin d'acquiescer de l'honneur, en prognostiquant diuinement: car le sage s'oppose aux mutations par le ciel faites en la terre, & non autrement que en ostant ou reparant la matiere de la terre en laquelle le ciel agit, ou lors ne trouuant subiet son action tourne en eclipse.

Neantmoins, ie desire en ce lieu faire entendre la cheute d'inombrable multitude d'hommes venir pour ne sçauoir que le nom ou mot de Crise seulement, & non la cause de l'effect.

Charité
de l'Au-
teur, re-
comman-
dable.

Que plusieurs lesquels par leur ignorance tres-grande font ouurir le ciel & la terre, dressent icy les oreilles, & y bandent directement les yeux de leur entendement,

entendement, afin qu'ils remarquent la terre couvrir leurs erreurs, qu'il leur deuroient seruir de vermillon pour faire rougir leur front, & voicy comment.

Il est certain que nos corps sont meus & enflammez par les superieurs & autrement ne souffriroient: car en l'ordre de la distribution, le corps Lunaire en sa sphere apporte la mutation de temps en temps, qui se fait en tout corps sans exception par les points du Zodiac: exemple.

Aduenant quelqu'un pris de mal de Crise la Lune estant au premier point d'Aries, infailliblement au quatriesme iour suivant à compter de l'heure du mal elle se trouuera en point repugnât en proprietté à celuy ou elle estoit au temps de la venue du mal, & lors se fait la Crise par vomissement, flux de sang, flux de ventre ou sueurs: comme

Exemple
touchant
l'opinion
suldite.

nous auons dit cy dessus. En ce iour est deffendu ne faire effort à la nature, soit par saignée, medicamēt solutif ou sueur: de peur que la nature se voulant descharger par la sueur ne soit forcee par autre e monctoire: & pour ceste raison l'euacuation s'exerce au troisieme ou cinquiesme iour du commencement du mal. Nul ne peut nier si bien huppé soit il qu'ainsi ne soit.

Erreur
trop com-
mun.

Mais helas voicy le mal que souuent aduient voire le plus, qu'attendant la Crise au quatriesme iour à cause du mouuement iusdit il arriue que la Lune aduance son cours & se trouue des le troisieme iour au point qui fait & cause la Crise, & sans y prendre garde le Medecin qui veut compter ses heures se haste, & compte seulement le quatriesme iour pour la Crise, & sans autre ceremonie, comme hardy, faict saigner, ou purger le malade, & par ce

moyen l'enuoye demander les clefs de S. Pierre afin d'ouurer le Ciel.

Et ou la Lune se rend vagante ou retrograde, elle n'est a ce point que iusques au cinquiesme iour auquel en aduient autat: voyla pourquoy Hipocrate veut le Medecin n'auoir que peu de malades & la guir avec eux: ausquels comme dit Paracelse, il est creé pere & non Docteur.

Lib de flatibus.

Je me pourrois estendre dauantage en ce discours touchant ceste matiere, pour faire voir a l'œil & toucher au doigt, le grand erreur qu'on commet le plus souuēt aux iugemens critiques, voire & montrerois le vray moyen de donner vn assure iugement selon les causes secondes, de mort ou de vie. Mais d'autant que cela requiert vne trop grande speculation, ioinct que la vie d'un homme ny suffiroit, ie m'en deporteray. Priant Dieu qu'il vueille

tellement benir nos labeurs que tout
ce que nous ferons soit à son honneur
& gloire, à l'edification & vtilité du
prochain, salut & sauueement de nos a-
mes, auquel Dieu pere, fils & saint Es-
prit, soit honneur & gloire, es siecles
des siecles/ eternellement , Amen,
Amen, Amen.

AV LECTEUR BENEVOLE,

QUATRAIN,

NE croyez pas qu'en ostentation
J'escrive icy, de la Phlebotomie:
Mais bien ainsi comme amy de la vie,
Restituant ceste operation.

FIN.

Fautes suruenues en l'Impression.

- E**N la 10. pag. lig. 17. lisez si quelqu'un
Pag. 16. l. 21. aux vers, l'autre aux amis, &c. lisez,
l'autre à l'amy, l'autre au parent.
Pag. 19. l. 19. considerant, lisez considerent.
Pag. 27. l. 3. flegs, lisez fleps.
Pag. 35. l. 6. maigre, lisez maigres.
Pag. 39. l. derniere, ours, lisez iours.
Pag. 40. l. premiere, aussi, lisez ainfi.
En la mesme page, l. 15. d'un, lisez qu'un.
Pag. 52. l. 13. esclaircir, lisez esclaireir.
Pag. 100. l. 18. P'epliget, lisez P'epiglot.
Pag. 138. l. 21. à l'eschine, lisez à l'asthme.

EXTRAICT DV PRI- uilege du Roy.

PAr grace & Priuilege du Roy il est permis à
Ieremie Perier marchand Libraire en l'Vni-
uersité de Paris de faire imprimer, vendre & di-
stribuer vn liure intitulé *Discours de la Phlebotomie
& des Crises*, composé par le sieur de Planis Campy
Chirurgien, avec deffences à tous Libraires Impri-
meurs & Relieurs d'imprimer ou faire imprimer
vendre & distribuer autres que ceux que ledit Pe-
rier aura fait imprimer iusques au temps & ter-
me de six ans finis & accomplis à peine de hui-
cens liures d'amende, moitié applicable au Roy
& l'autre moitié audit exposant : ainsi qu'il est
plus amplement contenu és lettres de priuilege
donnees à Paris le sixiesme iour de Novembre
mil six cens vingt: signees,

Par le Conseil,

BERGERON.